

列  
朝  
詩  
集

列朝詩集 丁集第十五

李副使裁 四十四首

見李主事蔭 一首

劉武庫黃裳 一十首

蔡參議文範 一十五首

蔡副使可賢 四首

孫御史承恩 二首

邢少卿侗 二十二首

傅副使光宅 一首

劉 侃 四首

徐推官桂 三首

虞僖勲 淳熙 二十三首

馮祭酒夢禎 一十四首

朱主事長春 一十一首

黃少詹輝 三十三首

陶祭酒望齡 五十首

焦修撰竑 七首

馮庶子有經 二首

王知縣一鳴 二十五首

王編修衡 一十首

公侍郎鼎 四首

陸參政懋龍 六首

吳通判彝璫 一十二首

梅太學鼎祚 一十六首

梅秀才守箕 一十一首

吳訓導子玉 一首

瞿少卿汝履 五首

屠太守應麟 三首

楊太學承龍 一十一首

豐人 一十八首

豐正元 二首

沈司丞泰鴻 九首

何山人白 一十一首

俞山人安期 一十一首

潘太學之恒 九首

米山人雲卿 一十五首

程布衣可中 二十二首

日秀才愈昌 四首

錢山人希言 一十五首

徐舉人通 八首

徐布衣勑 四十七首

陳秀才价夫 六首

陳舉人薦夫 一十二首

陳布衣鴻 一十七首

陳秀才衍 四首

茅太學維 八首

吳布衣拭 二首

李副使

裴字子田內鄉人嘉靖癸丑進士選翰林表吉士除簡討左遷為南畿部郎歷官提學副使罷歸本朝以博學聞者莫過于新都楊用修汝寧陳耀文字稱伯樞拾新都之謬誤作正楊以駁之于田多藏好學與晦伯相埒著于埏注筆諸書援據該博持論多皆毀道學譏評氣節而詆訾新建

太過言多失實論篤者弗與也左官家居好縱倡樂有所狎女優往來  
雖聞于田微服往從之與羣優雜處女優豎場持鼓板爲按拍久之羣優  
相與目笑漏言于主人翁主人翁知爲李翰林具衣冠肆筵席再拜延請  
于田拂衣就坐歡飲竟日借主人翁廐馬與女優連騎而去中州人至今  
傳其事弟蔭字于美嘉靖中舉人授陽穀知縣改知宛平風流好客諸公  
皆稱之李北海雲麾將軍碑石蕪沒良鄉驛舍裂爲柱礎襲美筆貯邑署  
名其齋曰古墨爲京邑令彊項執法中官毋殺人捕論如法司禮馮保以  
屬江陵江陵曰此令非吾所能禁也召之竟不往遷戶部主事以終養婦  
于田撰明藝圃集錄于美詩爲多

岐陽旅舍作

岐山烟茫渭水從中瀉自三千年來鳳皇不復下  
羸馬厭空郊凍禽啼永夜高館發長歌王風慨淪謝

曉夢陳晦伯十二韵

人皆競榮達君獨嗜編撰廿載歷中外蹉跎寡青眼  
竭來共爲郎相過每一莞溪水鳴小庭花林具薄饌  
修禮或五漿餐和詎一盤直數肩衛醢博

物豉鄭產賸風渙羣疑竹書徵脫簡伊余硜硜心相得意何限一朝江浦  
別重觀杳未傳春夢兩悠悠覺來淚痕潛我間天中山青霞接巉巖何時  
懽詩詩青天醉新醅

詠公庭鶴十韻

耗氈非开舞警露亦微謫自顧豈有宜雲羅枉纏繫速勢止墻陰高足限  
墮砌日算不逢人徹天數聲喚爲君耳目玩風雨凋翎毳乘軒寵旣希華  
表事難逮時來循汚池引吭啄蟲納顧影尚昂臧撻取久危脆舊侶遊三  
天往往壽千歲願垂支公心投身死君惠

雨花臺宴客九韻

休衙松日高出郭溪風送蘭棹漾晴波花林煖香夢輕雲蕩我胸萬象可  
撫弄綠竹搖崇丘青烟發岩洞据險把金樽悅此山鳥弄翩翩遠帆回稍  
稍疎鐘動良會不可常歸鞍且迴控

襲美登鳳皇臺有賦八韵

仲也登鳳臺想像鳳皇見飄飄李仙人英詞尚光綸名園萬樹花盡日春  
風扇微風龍江來新添滿歲旬笑瀉菜中金白門酒漿賤据石發酣歌韓

陵此一片歸來笑向兄佳士堪吾戀落落懷賢心千秋一板援

送唐生上京八韻

江頭春日高看爾乘杯去淑氣澄宜人淮山雨邊晴田鼠方化鴛岸柳未  
成絮傾囊貯詩艸撫誦自厭厭賦酒噉花神江山發靈助長安九天高文  
章滿朝著男兒筆札間徃徃收名譽時復夢江南羈魂向誰語

石堂山

茲山曾兩登契濶十年越風景殊舊古木半摧伐仙去地猶靈龍潛神  
詎欲浩氣蕩太虛河山坐出沒幽歌步泉水春懷與活活羽客煮松花晚  
來消酒渴

長慶莊上胡氏招妓邀余兄弟同賞

芳園背郭水爲塙中有巨木千蒼蒼密蔭張帷漏晴雨花枝濕拂春杯香  
微風細水啜哀玉琅琅終日聞溪堂興來攜妓臨晴沼荷花欲語嬌紅粧  
賓主相背兩跌宕酣歌怒罵皆文章拂柱調絃喧未了山鐘何處催斜陽  
忽憶吾邦舊最爾向來兵戈何搶攘陶唐肆戰丹泉上許子來還白羽傍  
商公析公勢赫奕南鄆北鄆雄相望事去人非幾千載缺折戟埋高岡

拓地尚想梅銷將封君可笑秦商鞅況復吾輩小監子太平之世隨徜徉  
已嫌酒量較海小安得醉墨揮天長古今興廢本反掌美人何用泣羅裳  
山川無恙消萬彙幽禽來往翻溪光我起作歌歌轉咽新聲明日杯中鄉

昭君怨

君王日深宮曉妾未由見下階一顧恩猶使終身戀十二樓前花低頭深  
宮白口已先秋草葉聲高玉心死燕支山冷朱顏愁朱顏日日非昔時青  
海年年雁影遲烏孫公主漢家女賤妾琵琶柱日悲

胡明府書來道舊花園之游儻然作歌

謝混游西池休文宿東園我曾醉臥君園裏至今魂夢猶騰翻當時春色  
初替管況有千金麗人在蕙蘭吐氣光繞身一曲能令壯心改池水連漪  
鏡靚粧鑒金寶鴨焚都梁陶然不知其處所但見娟娟花月來東牆人生  
好會易暌闕一別楊花幾經歇嫩人眇眇春水長萬里斜陽坐西沒

京邸會陸道函太守命爲長句

長安紅塵十丈高東方未白人黯黯北風着面暗如漆錯落腰間雙佩刀  
我時臥病日褰首忽報荆南來太守開門大笑話今昔君也腰金我黃綬

寶爐迷迭生小烟鴟夷鼓腹杯細泉兼隱庭前舊花竹公爲延評京師口  
地作亭曰兼隱依稀置我春窗邊太守太守爾其賢別來三載心猶然乃  
知貧賤見交態古人豈必今人前留君且停五馬鞭酒酣許我發狂顛只  
今文藻中何用漫爲揮毫賦短篇

妓鋤田行効張籍體

紅樓昔日高入雲雲中搖曳留仙裙千金良夜世爭死一曲纖歌天喜聞  
春風着人不肯久紅絲牽作田郎嬾田郎重田不重嬌寶瑟銀箏敝如帚  
五月雨多苗生蘼荷鋤下田學破苗尺布飽頭汗洗而望樹不得乘涼歇  
田郎擊鼓促工急偷向溪邊背花立回身照水不自識水底何人相對泣  
啼來沿路收墮枝恐畏明朝炊餽廢少年寶馬誰相問十里芳塵風外嘶

代美人春怨

行行下長浦玉手把荷葉昔口妾伴花今朝花笑妾妾年十四盛鉛華不  
數城南大道家蜀錦吳綾耀朝日蘭闥一步猶嫌賒人言嫁向兒家好不  
憺兒家重金寶當時學得十三腔只今遺落如風掃易州青銅碧窗內照  
去照來自不覺瑤佩盤囊若有知羞向儂家腰下帶曲檻薔薇嬌嬈新池



亭明日委芳塵東隣少婦常悲泣不怨兒家輕薄人

送遠山效溫飛卿體

游絲著柳曉成醉湍浦鵲暖晴媚金翹玉馬欲臨關惟有離腸與粉淚  
前高山晴花覆頭每時看好今看愁坐桃結子幽厓裏落盡春風倭柳楊  
隔江望滿山

大江汨汨來何窮漢武射蛟江水中波濤閃閃蕩西日猶疑妖血留腥紅  
潯嶽峰高隔江場碧館琳官霧撐拄英風冥漠不可拔曉雨神堂開秋鼓  
橫江詞

采菱莫近秋駕船莫近洲秋菱刺傷指洲淺風難使橫江女兒顏如珣弄  
花簪柳隨娘生笑拈竿子撒波去不解蘆中孤雁聲

再至采石醉歌

浮雲垂天力難縛明月落水手難攬白也大醉狂而癡欲捉銀蟾失雙腳  
游魂詭詭不復還水底有天長醉眠不然紫皇念舊史仙骨不肯留人間  
江上飛樓積素烟月光猶照金樽前有身不向醉中死白首金貂應枉然  
邀選閣詩爲陳子野賦

金陵萬事日非故溪上猶存邀笛步高柳過分白下門斜陽照見桃葉渡  
溪上閣中人邈然卜居城市地如偏不知豪貴日歌管一縷爐香生紫烟  
金陵自昔蘇華地六代興衰等應戲偶然三弄据胡牀乃使風流滿人世  
風流人去四山青一盡宜春任醉醒新聲代變古聲遠縱有桓伊誰復聽

菊潭二首

甘菊之下潭水清上有菊花無數生谷中人家飲此水能令上壽皆百齡  
漢家宰相亦不俗月致洛陽三十斛遺踪蕪沒無處尋夜雨秋風長荆穀  
浩蕩李青蓮清狂孟襄陽當時各到菊潭上風不對酒酣壺觴山樹撼撼  
山菊老谷中人壽今多少高賢已去碧山空千載流光一掃鳥

花山吊古歌

后晉天福六年安從進反攻鄧州至花山遇張從恩兵不意其至合戰大  
敗從恩獲其子指揮使弘義從進以數十騎奔還襄州事具通鑑予過其  
地感而賦之

天福六年索葛子青繇白馬烟塵起花山山畔豎逆旗顧盼中原探囊裏  
桓桓大將張從恩彫戈貝冑朱旗翻奄忽從天下風雨蕭蕭萬竈聲無喧

吁嗟喪亂如崩土父既摧兮子亦廢游魂半夜窺襄州回首當樞豈爲主  
事去人亡六百秋缺折破瓮沉高丘山門流水湯湯去落日千峯生暝愁

出京宿報恩寺同襲美

去望君門萬里遙舊游方丈話中宵世途多妬堪銷骨吏道無媒空折腰  
院靜香燈風柝柝春寒松柏雨蕭蕭明朝飄轉知何地夜夢楚江江上桡  
邊城晚眺十韻

楚謝金門止遙過天府區還因官署暇流覽塞城隅山擁阜蘭峻河來星  
海迂軍聲盡發肩邊氣晚模糊市買多收馬耕民亦抱孤土風無紆帛人  
語雜羌胡葉盡飛沙鳥水堅渡堦孤村烟片月迥戍火一星孤重鎮需良  
將窮荒尚遠圖因思霍去病勛業更誰夫

森城晚眺和太守十二韻

灝氣橫鋪地崇墉晚望新芒芒九河道繹繹百城春雪盡黎陽壘烟生白  
馬津山川全拱魏闕隘半鈴秦事去看荒墟時清憶古人高天帶獨鳥片  
月下游塵地僻投書少官閒置酒頻樓如騎山起亭擬雪香隣醉眼容疎  
翻愁腸荷撫循關雞先自走人蛟漫求伸磊落長歎恨踟躕未老身所忻

陪妙躅婦炬借朱輪

過關山

石不漱石寶鏗鏘下如乳板屋有居人終年聽風雨

石室

連日深山雪春寒撲煖場石室不關門風枝滴殘雨

題畫二首

春水流何遠春雪煖故饒柳邊雙燕子時觸最長條  
涓涓石瀾鳴兩兩江鶯語回溪無人來桃花照春渚

明妃詞

舉袖帶痕日日新回看漢月遠隨人不知世上黃金貴空信朱顏鏡裏春

上嘉靖宮詞八首

歷歷金吾樹影繁瑤壇鐸鼓動黃昏迎和門外燈如晝內直諸臣夜拜恩  
況水龍涎徹夜焚桂宮芝館結祥雲壇前纓布請天位苑外先催學士文  
玉貌終年侍禁閑每逢時節賜金緋君王不愛纖腰舞教作雷壇拜斗衣  
小車飛曳向玄都緞翠羽金翹笑自扶玉螭橋邊長日市內瑤華買大秦珠

沈金檢五祝長生萬國封章止進呈月滿西宮更漏永九重風落步虛聲  
霞轂星冠赤錦條玉皇宮裏薦仙桃天王親捧瑤函拜五色龍光生哀祀  
鸞鼓吹笙送上清醺壘將罷日初生太平元老偏承寵召聽鈞天廣樂聲  
十五宮娥髻髮清霓裳初着性偏靈百花叢裏春風靜學前玄門諸品經  
鄒城雜詠二首

西宮白日靜波流小殿玲瓏夾御溝花樹重重春燭煖遊人偷上洗粧樓  
無事粧成愛出遊天街如祗軟塵浮歸來笑語調行客簾捲春風百尺樓  
望嚮臺

飄零宦海笑浮萍一宿雲房尚未能風水泠泠秋樹冷斜陽影裏弔孫登  
迷人之岳州

與君酌酒醉春花征馬蕭蕭雁影斜明到岳陽樓上望斷雪殘雨各天涯  
宮詞

曲檻無人花亂開都梁燒盡日西頰年年剩得腰如柳空看昭陽舞隊回  
初宿海會寺

靈泉流水夜淙淙月小松高鶴影雙石榻覺來秋燭冷誦經聲滿碧山窗

真定寄內

旅食恒陽木葉稀家人相念寄寒衣會稽好去無由去斜日空堂秋雨飛  
後泉望坡子煙

靈山東畔碧湍回社鼓秋高廢縣隈萬樹涼風吹不盡一鞭斜日煖泉來  
戲題

一自封書別建章荷衣常惹蕊珠香逢人白眼唱歌去笑入西坡秋水長  
李主事際

漿洗房

宮娥白首出宮門却入閒房亦是恩欲浣故衣還袖手爲憐中有御香存  
劉武庫蒨裳

黃裳字玄子光州人萬曆丙戌進士授刑部主事改兵部員外郎倭犯朝鮮有興復屬國之師以知兵見推擇贊畫宋司馬軍事遷郎中兵罷請告歸里而卒玄子之父重慶守繪也玄子七歲能操觚摹右軍書十歲寓長安賦京都諸篇父之友陳約之唐應德皆摩其頂以爲奇童子重慶公守郡時奇銅梁張肖甫之才召致門下今與玄子同學謂肖甫他日當建牙

授錢以功名爲天子馳驅吾兒庶幾可俠轂乎嘉靖乙卯魁兩河士十上  
春官始得第年已六十矣少從其父受天官軍旅之學諳曉諸邊形勢爲  
舉子淹久公車往來燕趙吳越交通輕俠結納其豪傑所至走馬擊劍醺  
酒悲歌以古豪傑立白負市起家縣令再定兵亂開府漁陽以大司  
馬歸老而玄子爲老書生自如衰晚登第東征之役擊倭平壤城下迫奔  
貫陣引大黃射金甲酋逾釜山島而還自謂可以建封侯之業銅梁不足  
道也會封貢議起制府更易中朝方內計中考功法雖有詔留用卒無所  
成而罷里居無聊賦詩縱酒一夕飲友人家丙夜中寒而卒玄子博學多  
聞其爲詩才氣橫溢苦無裁製亦重慶之餘波也有藏徵館集行世

寓懷詩二首

太白蝕金方蚩尤出遼野石衛已上崩左臂氣騰瓦頃來石州破輔舒蔽  
日捨城中無虛井兒女血塗藉歎息問邊人問罷淚如洒簡子攻衛城居  
身屢蔽下行人燭橫戈陳其先君者大將愛其身胡能驅士馬

翩翩誰家子龍虎姿態揚白馬金紵頭翻身綠況張馳至射熊館一發下  
雙鶴馬上賦豪士悲歌聲琅琅途乖淹郡縣矢心繫名王春風國士老乘

耒耕於鄉吾腹不能舉把袂涕沾裳

經舉簡

幼學道術騎茅龍咳嗽吹上崑崙身輕轉訝茅龍角觸孔翠石鯨縱  
仗劍叱龍亦髮怒拋茅入海瓊玉樹別檢策文學作雪英英足下覺氤氲  
杳然失却鴻鸞上丹旂烟道空中分行至天窮雲盡處天薄雲脫不能去  
此時浮雲亦棄擯上天下天只神御

贈鄴下王大刀揮使維藩歌

車騎關頭石片片回風捲地擊人面不平之色我自知一生空讀英雄傳  
馬撻睚眦壯氣銷路逢男子囊大刀倉卒之間動人目已見殺氣千尺高  
銀碗頭盛兩馬馱熊腰穩坐白鼻騮飛英颯颯紫焰短高竿稜稜赤星滿  
大白翎飴箭尾長雙鞭繡袖蘭筋挽不言我印借刀觀龍氣熒熒橫玉鞍  
丈五金環入手滑如沙入海上弦月光銍澹澹照見人健卒幾頭背遲發  
我爲據鞍一問之旋近馬首前致辭義舉謀恭道名字自言鄴下材官兒  
十五學刀向俠場嶺山斷牛刀不傷二十比試任父職趨役軍府空倉惶  
茸茸此生二十五功名不建黃龍府今年撫臺檄點兵兩班皆作防秋行



主將給我兵三千今往宿雲前備邊我聞此語長歎息下馬殷勤如故識  
細觀并但驍猛人雅殺深沉具膽力廟堂握算計太疎開府瞻邊謀巨制  
古來此輩稱神物百萬之中不一得何有天將不知御遠戍漁陽從此去  
州中猶虎俱不分亦復排邊同一處王郎王郎莫淚潸我亦南歸爾度關  
傾蓋意氣竭漳水平生交結輕泰山各把猿肱意更親早晚自愛英雄身  
雲龍風虎知有會丹青圖畫紅麒麟

播補歌并序

余友李襲美豪蓋一世其姬多慧智襲美授以諸佛妙經蓋箭鋒機也襲  
美令宛平政暇卽與播補亦遊戲三昧者乎因作是歌

龍女誦經香飯畢長安放衙初岸幘桃笙慢展燕寢春試下紅衫輕一擲  
綠雲點點珠梁間海燕翩翩對遠山仙人好博富翻掌玉女投壺電解顏  
柳榆笑口如飛雪黃鸝二月爭調舌別有呼盧調轉高一聲鳳叫青天裂  
風搖花片滿珊窗鬱金醺酒泛琉璃紅雲母屏前憐個個水精簾下愛雙雙  
一枝醺李倚銀盤纖纖新笋墜琅玕已解疾馳誇女俠故將遲局媚郎官  
醉後雙鸞挂海野櫻唇唾出胭脂馬偷得壽來猶玉符奪將泉去驚銅瓦

折腰塵淨館娃前面周人在章臺下撐腰么麼性轉靈不強  
仙郎帶酒朝天去還諷如來般若經

邯鄲行隨張使君肖甫出獵

使君按節邯鄲城遊子邯鄲意氣生相從射獵西山去城中年少來縱橫  
紛紛罷擲博場裏追呼雲集黃塵壘白馬連環響夜霜朔弓香箭明秋水  
使君紅旗山上麾我正揚鞭馳繡羈馬度長橋翻凍雪箭穿枯柳斷冰漸  
山頭北風吹艸急道上豺狼向人立少年隨我拍青絲一箭雙狼死原隰  
使君歡動弄金杯登鼓鳴笳錦帳開八郡良家驅虎落三河俠客奮龍媒  
邯鄲水鄲山冷朔雲趙舞燕歌空古墳海上惟懷骨連子城中還憶平原君  
加禽逐獸無窮已西山街日牙旗紫使君夜獵入孤城城上寒鴉栖復起  
散騎黃昏度狹斜滿樓燈火宿倡家稍將血兔牀頭煮臥聽銀箏醉雪花

寄王承甫代書

但誦吳越吟未識王郎面吳江風冷秋鴻飛可憐詞客異鄉縣曾聞王郎  
能遊五岳顛又聞王郎手投白壁揮金錢有酒但抱胡姬飲赤身披髮王  
公前平生意氣蓋吳越健翮凌天聳大鵬良崙疋馬踏白雲洞庭孤舟釣

明月我也豪歌臥雪廬何時尊酒論文初短歌寄爾遙相憶此是劉生尺素書

秋懷

玄都殿在西城北虹渚星湖萬歲峯實笑秦祠微寶雉還輕漢時降黃龍金盃露碗收神水王帶風符護禁松一自玄元歸碧落瑤壘寂寂下宵鍾

塞上曲二首寄大中丞張肖甫

偵騎飛來夜探胡爲言城下五單于宛駒市得紅羅去拜舞軍前唱把都向晚笳聲滿地悲大營方獵插金鉶胡兒鐵勒吞風土其憚銅梁張太師

蔡參議文範

文範字伯華新昌人隆慶戊辰進士除刑部主事江陵相起復同舍郎艾穆沈思孝抗疏杖闕下慷慨護視職內索鍾星變考察滿閩司運官凡七年江陵歿起武庫郎中出爲湖廣學使升廣東叅議卒於家有甘露堂集門人晉江黃居中序而藏於家詳其規度剪刻穩密殆亦公襲七子之流風而未極其寵越者與

晚霽

沙路晴猶濕山雲暗忽開短晷投芽去高鳥拂屏回虹斷疑窺井江清似  
潏醅不知南浦外何事復輕雷

自瀛德起東昌道中雜言八首

風壤連齊魯河流滙衛漳愁思斜日外衰髯驛亭傍江鷺凌寒浴飢鳥下  
食將頻來舟楫上憂患飽經嘗

旬服仍周典溝渠自禹功幽并千礪合江漢萬方同翠柳沿堤暗雕楓積  
場紅誰家調錦瑟清宴小樓中

綰轂津亭接臨川市暨連木綿隨處有賈客牛吳船露脆秋梨白霜含柿  
子鮮山東饒地利十二古來傳

碣石銜天府清漳解北流星槎天上使簫鼓驛邊舟岸柳紆行旆州兵護  
彩旛還聞元夕近燈樣自南州

普天同荷帝四海久銷兵夷虜終荒服東南舊翰屏甄陶真宰事桑土腐  
儒情近喜蠲租詔恩波及耨耕

聞道張秋決先朝慮獨深爲山名戊巳使者失辛壬地控支祈鎖天寒象  
閣沉誰知神禹巧疏鑿本無心

撥柁憐三老開船擣石尤睨陽忽自炤陰霽未全收得食鴟鵂經時橫  
杙秋孤舟且飄泊吾道任悠悠

清源一州耳繁會二都間北走邯鄲道南開吳楚關歌鐘連白屋鳴跼儼  
朱顏可惜歡娛地欺予兩鬢斑

重陽

宋玉愁懷老更加百年秋序復天涯關河忽對重陽菊樽酒誰過處士家  
落木蕭蕭同短髮西風日日爲黃花無心更寫公臨興獨凭闌干數算鴉  
橫田道中

西風蕭蕭見田廬處處青山綠水居賽社客來成市暨斜陽易去識村墟  
銀絲鯉鮓池邊斫秋畝蹲鴟雨後鋤漫說臨邛真沃土倦游人早似相如  
舟中戲題二絕句

生計無聊更問津風衰直笑楚狂人何如直取盧家女耗盡雄心送此身  
擲盡年華笑轉萍依依江樹似平生莫嫌白髮催人老得破無明是數莖  
雜興

莫向江鴻問故山書來也不破愁顏尋思欲覓江南路只在蕭蕭一枕間

憶別

憶別叮嚀淚欲枯  
酒杯乍可莫留連  
只愁醉裏騰騰睡  
魂夢都無到妾邊  
蔡副使可賢

可賢字思齊成安人嘉靖壬戌進士官止副使

平寧夏二首

五月王師大合圍  
石如雨下矢如飛  
健兒不識書生面  
夜半挑燈認繡衣  
力盡謀窮內變生  
無須血刃下堅城  
等閒一曲黃河水  
誰信強于十萬兵  
夏之役梅衡湘監軍單騎克曹出諭諸酋諸酋皆羅拜決黃河水灌城乃成功二詩皆實錄也

樓煩

山後山前十六州  
天涯盡處是偏頭  
雲開大漠風沙走  
水折長河日夜流  
萬戶金縢愁見月  
千羣鐵騎畏逢秋  
却思大漠無中策  
一曲胡笳倚戍樓  
聞洮河警

九塞清寧十二秋  
忽傳烽火過涼州  
尋盟故自非常策  
薄伐今誰是壯猷  
隴上鳴鳴流水恨  
雲邊慘慘夕陽愁  
沙蟲夜語川猿泣  
腸斷西風獨倚樓

孫御史承恩

承恩字

蒲州人嘉靖丁未進士官監察御史

山門

山門落日望江干雲樹微茫晚色寒欲向東風歇一曲鸕鷀聲裏荳花殘

江上曲

春雨既過行水濱江花汀艸相鮮新牧童歌上前山去愁殺江天行路人

邢少卿侗

侗字子愿臨邑人萬曆二年進士除南宮知縣歷御史參議終陝西行太僕寺少卿子愿生七歲能作壁篆書十餘歲楷法王雅宜二十四歲登第殿試策書法擅場主者驚異卒第榜尾罷官時年才三十餘先世席資鉅萬美田宅甲汾水上子愿築來禽館在古犂丘上讀書識字焚香掃地不問家人生產四方賓客造門戶屢恒滿減產奉客酒鎗簪珥時時在質庫中晚年書名益重購請填咽碑版照四裔妹慈靜善助兄書家備載祿亦通六書之學同里王尚書洽集子愿書刻來禽館帖濟南風流文彩幾與江左文董先後照映李維禔片其集擬諸北齊邢子才云

送毛懋新山人歸河南

落拓憐吾友知音並俗稀  
天秋一鴻動人老外黃歸  
客夢迷吹角閒情入  
樽衣送君郵樹寒雨正霏霏

臘日送野鷗先生赴清源訪狄將軍

殘雪猶在地送君將奈何  
客衫翻酒污鄉夢落梅多  
曉寺鐘初定寒林鳥  
始過行行遇知己按劍一長歌

聞王百穀寓南屏寺奉懷

卜築南屏寺多因太守賢  
榻移千竹潤書枕一牀眠  
禮佛沈香火看花細  
雨天無綠陪勝侶吟望獨凄然

送濟南趙太常起家大京兆

三輔風烟傍紫清  
徵書十道及躬耕  
起家杜曲新京兆  
入對齊川舊伏生  
篋裏殘荷留野服  
馬頭斜月引王程  
太常不忘玄都觀  
重問繁桃醉玉笙

寄徐茂吳

攝瑛江城事已非  
宦情原與世情違  
歸來負郭無田宅  
到處寒波有釣磯  
啼鳥似聞愁客語  
亂雲如曳故人衣  
知君詞筆頻年健  
幾向秋空詠落暉



送方胥成之薊門塞

三月鶯花促別筵三春離思逐行邊  
風烟不改盧龍寨客子今過飲馬泉  
鄉路半年無雁字將軍諸道有樓船  
紛紛家國堪垂涕君去并州又幾年

秋日送郭氏甥之白檀塞

西風切切正吹裳送子河橋不盡腸  
黃華墜階時聽雨敝裘常曉欲驚裳  
旌門九月寒沙屢獵火千山入野桑  
莫道邊庭前路隔馬蹄行處是漁陽

邊

單于納款願稱王更使關氏入舉觴  
不是中原渾却傳原來胡馬罷騰驤  
宣雲節鎮秋開市文武官裨夜射羊  
兒說近年王太保白頭垂淚拂金瘡

秋日百穀以其羣從兄存把扇對酒漫賦寄懷

愛弟隣莊意氣雄托將書札及秋風  
乍拋漁獵遊初薄纔隔池塘夢已工  
狼籍素絛霜杵色綢繆香露菊花叢  
相看兩地成追憶練影雲封入壑同

與崔明府譚鄭中舊事作

相州城北正黃昏猶記春衫污酒痕  
一自薄書淹墨綬頓令花月負清樽  
詞場七子看前輩魏帝三臺想舊恩  
與爾夜深談轉劇九河風雨暗千門

黃中丞東巡曲二首

齊城荒墨水流不其書閣晚烟收停車忽訝羅衣薄春到齊封海尚秋  
清笳疊鼓對陟危片片晴雲上畫旗萬里滄波舒眼盡日是殘晴是東夷  
古意

零落鈿蟬出漢宮闌干雙淚背春風君王總畧迴心院再畫蛾眉恐未工  
走筆戲贈萬伯修使君二首

五花胡馬鶻鶻裘夜獵歸來興未休教唱西涼新樂府時和月過幽州  
杞花垂實玉關秋壯歲無端去國愁自笑年來身累貴圓旌春色上龍樓  
寄訊憨公海印寺

種得霜稅弟子春堂中山雀鉢中龍諸方衲子歸香積可奈齋時一片鐘  
寄章廷綸畫史

丹陽郭裏誰憐汝泚水亭邊最憶君此日胡安國扇上無人爲畫敬亭雲  
送張仲儀四首

鬱金枝拂鬱金尊送爾銀鞍過遠村十里春城三日雨那禁芳艸閉黃昏  
董子園邊放去舟故人牽航數相留客心已逐花前候總聽驪歌不解愁

爭傳主第牡丹開十二街中喧若雷  
惜爾灑蹄驅馬汗與誰同去看花來  
九重嚴召動千官五嶺流人鬢漸殘  
可笑弟兄與邢弟對牀時把劍書看

送楊博士計偕北上

荆榛猶似布衣時題柱休令闕吏知  
曉渡白溝河上路雪殘鴉拂野棠枝  
入京翻遣似并州數醉鄉人春酒樓  
來日寄將消息否綺窗寒樹著花愁  
王峰詩來日綺窗前寒樹著花未

傳副使光宅

光宅字伯俊聊城人萬曆丁丑進士  
除吳縣知縣召拜御史轉副使負意  
氣通禪理爲通人所稱

春日花下有感

江月江烟蘆白門春風春雨自黃昏  
年年楊柳無消息夜夜梨花有夢魂  
蘇小香車松下路莫愁芳樹水邊村  
緘情欲寄雙飛燕腸斷迴文是淚痕

劉侃

侃字正言京山人

附州甘泉館

風斂長空宿露消千山極目思迢迢  
蒼江雨色收楓葉銀漢秋聲入柳條  
古洞殷雷還吐霧閒雲擁日故回潮  
坐來一酌甘泉水欲借山人五石瓢

過水下仁

山樹參差石徑斜雨餘飛瀑過桑麻  
山翁放櫂村前犢倚杖溪頭護稻花

郡城元夕

一夕春從天上回六街火樹徹明開  
叮嚀莫似吹簫管纔報梅開又落梅

春算

風吹山色度簾櫳指點茶縻半已空  
二十四番花信過獨留芳艸送殘紅

徐推官桂

桂字茂吳吳人徙家武林萬曆丁丑進士除袁州府推官恃才自放坐計  
吏斥免口明屠長卿秀水馮開之與茂吳同榜皆失官家居扁舟白衿往  
來吳越間長卿負才敏捷又手擊鉢時人皆遜避之獨茂吳與之抗行尤  
多詠物豔體之詩留連唱酬至數千百篇茂吳爲人通敏好士余爲書生  
茂吳數從人問訊有李邑識面之語余至今念之不能置也

飛絮篇

江城二月盤陽時楊花如絮飛參差悠悠宛轉知誰繫歷亂輕盈不自持  
可憐朝散銅池裏可憐暮落章臺市閒逐遊絲去復來細繁花片低還起  
鵲橋繫馬及芳辰白門藏鳥過上春吹入粧樓全誤粉飄將舞席半成塵  
乍高隨鳥沒遙空漸早起燕遠簾櫳花飛倚靡如迴雪質輕流便不因風  
因風迴雪何綽約偏從芳甸穿香閣東舍王昌雙寄踪西隣宋玉聊棲託  
跡方蕩子少牢居命憐賤妾多輕薄其奈蕭疎欲盡春已覺繁華不如昨  
條風布暖水流漸池邊林畔始垂絲小小葉間分翠黛盈盈樹下闌腰肢  
而今樂柳將何道而今轉薄同秋槁攀條倚樹重留連行樂韶年苦不早  
嗟嗟艸徑總鋪瓊茫茫榆塞詎成綿且辭芳樹猶依樹夕化浮萍已逝川  
子規聲裏千花歇搖蕩春光劇可憐

詠新柳二首

掩映朱樓陰曲池霏微芳樹早含滋枝枝水畔纔舒眼葉葉風前乍展眉  
未許漫天輕作絮且教拂地有垂絲征人遠道那堪折休共梅花逐裏吹  
條風一夜乍回枯黛色和烟半有無玄湖柔條堪繫馬白門疎影不藏烏  
樓頭寒映羅衣薄曲裏風驚紫塞孤春水淥波春柳碧等閒芳歲莫教徂

虞稽勲淳熙

淳熙字長孺錢塘人萬曆癸未進士授兵部職方主事東西方用兵所脩上皆有條理嘗護作昭陵虜千餘騎踰昌平關入紅門守將皆失措長孺命結方陣半隱林中鳴鉦駭之虜遂遁去遷主客員外會稽勲即呂胤昌以孫家宰甥引去家宰從物望推長孺收補癸巳內計家宰與趙考功盡黜牽執之私人黨人力攻孫趙指摘長孺不當補呂關以撼家宰家宰爭之強朝士持清議者訟言堂諫議非是并攻執政上震怒家宰罷去長孺與趙削籍而諸言者皆得重譴萬曆間之黨論堅持不可拔自此始也歸田二十載值天啓之初羣公皆自謫籍起而長孺卒於家年六十有九長孺生三歲見室中蓮花寶樹念佛不絕口又夢至武夷以杖擊空中見龍沈海底鶴鳴松間口吟曰龍藏海底日鶴鳴松下風父母知非常兒也家貧無書與其弟淳貞字僧孺者搜奇獵秘閉門鈔寫方術陰符靡不通曉十七喪母相依習天台止觀夜則談神鬼變化狡獪之事至漏盡不寐長孺好仙僧孺亦好仙已而長孺好佛僧孺亦好佛兄弟偕隱南山回峯下相與棲寂課玄採蓴行藥以終老焉僧孺言其兄一生多仙靈冥感已卯瑣

開寐而腕善六義醒以意足之爲舉子墨鸞降焉以所挾行卷焚之賊而  
完楮飛回上有紫粉批絕細爲郎時以飄飄靈人之顏挾鸞馭出入談笑  
驚動長安人吏部移疾歸語貞曰我不悟道決不補官當爲陸法和亦  
爲王伯安上天目坐死關前累日夜倦就枕忽覺高峯斬其左臂豁然有  
省自此埋照縛禪不復拈弄光景矣晚而皈依雲棲復三潭放生池賦詩  
讚佛專修淨業湖上鐘鼓花鳥于焉一新此吾兄末後一着也長孺少見  
知于李于鱗王元美賦才奇譎搜抉奇字僻句務不經人弋獲以爲絕出  
於時賢頗心折湯若士屠長卿自詭以晁元勝之雖未免牛鬼蛇神之誚  
可謂經奇者也嘗曰我文似古而不似古皆我胸中語耳黃貞父評其詩  
文曰宏深微渺應念而作風生雨集排古蕩今斯善譽長孺者矣子宗騫  
宗玖皆有文刻德園集六十卷

景泰集

合脊衆山轉鴻溝界危岡貞松心不移偃蓋覆神堂欲蛻龍爲魚千古以  
慨懷土木骨縱橫魂來關塞長君王吳璠足太史篋苞桑宗嗣救淪喪朱  
火寒有光迎駕詎何爲覆轍戒難忘意無延陵心重爲亡國傷宮門一以

奪美門竟迷方碧瓦易黃屋蓬顆西山傍杜宇啼舊堦織烏集野棠坤維  
幸勿絕一室得新藏靈表扶九宮何必厭陰房碧血障胡塵芊芊白艸芳  
高瞻歌大招涕泗灑衣裳

神宮監四首

奉帚陵園洗白蘋若爲露下倍傷神秦宮耐可花前死忍向秋風哭聖人  
香烟遙接白雲平原上金燈夜夜明山鬼羅衣挽秋駕靈寢有路不教行  
黃花鎮外擁胡兵萬馬驅來山幾屈難去宮中報天子朝朝只是拜長陵  
比隣鵝鴨敢經過自放牛羊滿石坡天子故應喚不得春來遊牝更偏多

古壽宮歌

以陵當年築壽宮君王鞭石走石工馬興朝來算還入往來八駿如迴風  
先生晝夜須臾在霹靂一聲辭大內遺塢人疑黃帝弓自斂金衣搏大塊  
不將玉斧修天門不引玉液通天源營骨鍊形水銀海至今龍螭明珠渾  
何當疾雷飛猛雨雨淋龍髯小臣負昔日殷勤築夜臺於今直是冲霄路  
便使神孫一見之削平五岳作豐碑金輪碾碎風輪墜泉上宮中萬丈旗  
君不見解子嶺西金銀關不日靈臺穿月窟願將萬壽祝堯年窮卒兩河



歸白骨

列傳集卷十五

未

橫河打魚行

霏霏曉霧古城低竹壓危橋漁艇迷此時月鈞不落水大魚小魚爭出溪  
宿鷺憎人翻雪去鷺沙盡被漁人踞飛罾十丈浪花浮赤脚何妨多沮洳  
魚驚迸散背尾馳囊頭最戢交參差老人無緣救不得飛紅斫玉糜湯池  
鮪鯉泣釜沸聲切猶記蘆根有殘穴後身願復潛前濡灑子仍憂值江鷺  
魂歸貝坻訴白龍白龍魚服泳寒風漁人捕得燐枯處急雨打船帆影空

倣杜工部同谷七歌

有客有客吟澤畔短牆缺岸蓬蒿亂妖魚撥刺白蛇橫橫皮塔下無昏旦  
我生胡爲在曠野青風夜號塵滿案鹿門無妻獠奴走皮骨空留腸已斷  
嗚呼一歌兮思傍徨高天爲我零寒霜

鴟子場寒山鬼行有塚累累黃蒿平往年拾骨方家峪攜母就父同住城  
朝廷雖頒兩道敕塵車茅車空有名幽宅一閉不復曉夢中徃徃疑平生  
嗚呼二歌兮歌似哭白陽瑟瑟悲風木

六月六日夜飛電坐艸畏風不敢扇我行呼妹炊蘭湯浴弟盆中看婉孌

多同詞連郢偏予懶似嵇空山知隔世幽徑不成蹊人語驚同狄仙方未  
化抵疎狂憎眼白沉瘵恨形骸劍匣還諸將詩囊脫小吳書將焚石硯藥  
每進刀圭月敗伊招人瑤田忽夢犁中秋張寶鏡大睡揭金鍾放舸飛青  
雀橫霄截素霓蔓開天浩蕩萍集水排擠乍見歡初識重逢意轉悽秋林  
聊逐鹿皇路恐歌驪特達羅璋玉塵埃側甌窰肯來非偃蹇早至任提撕  
貫斗拋桂蘂凌雲舍曲枅時情譏廓落交道願深締使附追風驥慚爲尺  
澤鯢逍遙出巖戶唱和沸蟪蛄說說船邀客翻成車載縣芙蓉差辟荔蕭  
艾雜丹雘東鄧瞻君彩西嶺讓齒覲慢亭來羽服桂艇隱芳桂玉俎紅虬  
脯雕盤蒼鹿鬻牽絲和藕汁騰醲醢橙盞絕粒不餘餽長齋七進佛祥風  
欣習習吉事正折折商祝燒臂綴西慈折箭鐔列遵仍割席淨几復吹壺  
佛大三興離王明五福遲無天飛羽爵有室貯空甌茶籠烟留浦行厨火  
照蛙荻香登碧止芹冷到青泥享共伊蒲饌有傳芝朮畦衝風穿綺縠擊  
浪碎玻璃荇亂沉雲綠蘆寒覺雨嘶錦塘飛蓋蔭繡陌紫駟嘶醉客爭呼  
雄漁童巧置第遙江聞白馬隔葉尚黃鸝漁市忘喧雜村家想勃篋橋車  
迎醉合墩釀帶花齋游俠誇銀勒嬋娟斂象篋荷枯愁委葢楊老歎生稊

蘭皋金沙倚花門翠袖攜笑陳青玉案齊拍白銅鞮彩燭融珠鳳紅英擁  
水晶兒童窺野竹樂部戲山黎越調時分隊遊韞半倚輓主人猶按節年  
少漫相詆明閣明朱黛深岩答鼓聲優曇停佛曲烟樹倏易啼輪轉清虛  
府光舍桃李堤輝輝掩蟾更晶晶誤見鸞露重沉丹幌繩移攬赤絛中宵  
捐夢寐下夜失昏豎藻蕪開菱素鋒寒瑩鵲鴉玄珠投赤水毫相涌招提  
極浦迢霜練高亭覆雪障孤山迷放鶴鹿苑恍驚鹿榆白金天曉楓青甕  
色空夜光仍結佩流火復生錦斜漢傾幽渚涼雲鎖碧閨芸來臺上妾娥  
影水中娛紛逐乘鸞伎閒銷吐穗貌錦心人共剖刀腸孰能割韻借吳仙  
請歌分子建題家家麗東壁小小憶南齊伐木思嚶嚶編茗類滑稽雅宜  
師杜甫險欲通昌黎大笑方爲道知雄未是銘喜新初發乃難解佩多鰐  
結好魚投水逃名蚺厭醢情偏來舊歡嗜僻味鮮螭不道捋眉入虛疑閉  
戶棲神交寧強比調叶豈終嘔氣合肩差正詩成手互批敢攀龍振翼愧  
殺馬奔驥遊倦驗勞止形疲唱簡兮同人那可避上帝詎方情直是烟霞  
病何緣福祿醴積香欣受飯坎玉且收磐水宿離鷗鷺山棲混鸞鷄埽林  
石齒齒反駕艸萋萋回首憐爭長飛神擬上躋少微盟已定身隱大湖西

萬曆乙未正月十五日蓮池大師受緇白之請詣南屏山弘演圓  
覺了義經三月四日圓滿恭送還山成五言排律四十韻用元和

體

身倚南屏隱心將宗鏡傳杖藜過淨寺開藏惜殘編幸得多人寫欣看萬  
卷全圖揭須大士弘演憶先賢誰繼永明日通瞻迴耀天雲機如公甘  
讓席楊尹肯辭筵黜黜此辯辯此同謁雲棲祖期聞圓覺詮沿江入山  
拜投地拖泥度交口勤三請陳辭具十緣逗機如有待應供豈虛延方丈  
都生艸圓袍見性蓮發他山並蕪穢此地絕腥膻但值獅揚塵何愁鳩  
化鷓泥師逾六十應早利三千近赴王城請新安佛國禪赤欄榮樹覆金  
榜雜花鮮門外貂璫侍牀前纓綬連藩司作并幹關令望神仙廣護伽藍  
大深居處若堅師來上元節人慶下生年頓啟神通藏俄傾吳市懸城東  
老母出貧里病兒前戢戢魚頭密紛紛袂臂牽舊僧仍落髮勝公臥臥俗  
故友願齊肩共趺山鐘曉爭觀慧日懸莫須疑看教耐可厭胡纏立雪僧  
腰沒瞻風客履穿貞明釜猶小香積突常烟剝落黃妃木乾枯圓照泉龍  
歸偏坐蛻宜州慶安蛇去敢留涎張果乘驢至韓抗有天王

入夢嶙峋下坐撫之天王虎除不淨肉脫煖去官購放生潤既聞諸經旨還滋眾福田孰參義相侶我聽伯牙絃返棹辭餘粟臨行散  
儼錢白雲披壞衲明月照空船推費天人力高同佛祖眠銅輪元誓取寶  
地向爭先他日新篋就重宣泮土篇知爲不請友轉覺一音圓

馮京酒夢頓

夢頽字開之秀水人萬曆丁丑會元選展吉士除編修與同年進士沈懋  
學屠隆以文章意氣相豪時相不說左官外謫重移南京國子司業歷右  
庶于拜南國子祭酒爲南曹郎劾免遂不復出築室孤山之麓家藏快雪  
時晴帖名其堂曰快雪爲紫栢可公幅巾弟子鉗鍾評唱究竟第一義蒲  
■接席漉葉倚戶四方學者日進身執經卷朱黃甲乙禪燈丈室清歌洞  
房海內望之以爲仙其洞府埽田九年而卒年五十有八余誌其墓以謂  
位不大齒不尊而風流弘長衣被海內謝安石之攝伎采藥房次律之鳴琴  
奕棋天下以王佐婦之固不以用不用爲軒輊也有真質若士集若干卷  
爲詩文疎朗通脫不以刻鏤求工而佛乘之文懋大師極推之以爲宋金  
華之後一人也孫文昌博學好修實請余誌公塋云

廿五日晚泛山行歷龍井諸處還孤山湖是日物色加濃遊情更衍不覺盡日

清旦踐夙期泛舟益新侶和風沁肌膚初旭媚空水水窮山色親徑曲樹容美龍泓晝常陰竹閣晴疑雨返策循廣堤沿流越孤嶼落日緡通川紅芳爍羅綺青帝無回驢春物寧淹晷濃淡準疇昔羽停情靡止

餘不溪聽夜雨

尋山冷在晨枕流春茲宵夢斷賴如引情積聲靡遙簾虛愜微涼波響滌餘囂寤寐咸有契寧得滯流潮

賦得眠鬟壓落花

弄花綺牀前恩紛夢自牽都忘鬟影媚詎得護芳鮮馥延因借鬢艷佇欲分細錯教蕩子惜終誤如花年

途中憶家園薔薇

中園花欲繁蘭閨妝且靚霞柯爛翠屏鮮姿靚幽徑不見素手摘彌想纖軀映年華忽已零戚戚情靡定

賦得楊柳可藏鳥

嫋嫋白門前  
藏烏倍可憐  
柔枝排影度  
密葉引雛穿  
啼合驚宵陌  
飛應破曉烟  
新知樂如此  
詎惜故腰妍

五十篇有序

昔人云五十之年忽焉以至悲始衰也今歲丁酉八月廿二日余五十縣弧之辰鑒止足之分傷流光之駛有懷家園思投簪笏乃賦斯篇

五十忽焉至  
頽齡始自茲  
縣弧瞻秋辰  
稱觴來故知  
予本淡者流  
夙好敦書詩  
得性在丘樊  
噫祿暫堦墀  
魯郊享異鳥  
徒以鐘鼓怡  
梁國嚇鵩雛  
寧爲腐鼠糜  
四見鍾阜春  
洵美吾土非

吾土饒山水  
卜築而清池  
清池曲且廣  
高楊夾路垂  
層樓貯圖史  
密室藏姜姬  
出門卽湖山  
興到惟所之  
偶然值蘭交  
談謔或忘歸  
人生行樂耳  
須富貴何時

富貴仍多憂  
貧賤未足卑  
靈龜戀泥中  
雄鷄憚爲犧  
李斯具五刑  
牽犬一何悲  
陸機西入洛  
聽鶴乃無期  
無才足完身  
功高跡反危  
所以賢達人  
未老先拂衣

拂衣謝塵氛  
靜侶時相追  
披素詠新賞  
開帙渙所疑  
豈不戀圭組  
天爵無

磷溜豈不念子孫清白自可詒觀民計已極從道安可申申毫著斯文聊以從吾私

送姚叔祥還樵李

久飲建業水爾來歸夢頻思歸未得歸不堪送歸人君來朱明初倏忽佩黃辰較史惜炎暑剖疑掃餘塵考索資發蒙補綴愜知新休文稱益友卯金亦忠臣斯文既輟筆離席何遽陳遊子戀故鄉此離多苦辛客囊但市書腹笥寧療貧放歸必有期閒徑希日親

餘不溪廻舟寄訊章元禮吏部是日雪

吏部才名舊瓊瑤昔見詒山川闊問隔日月鬢毛衰身是仍憂國家貧但賦詩廻舟緣興盡風雪寄相思

湖中曲二首

春風吹柳柳絲黃更有梅花滿路香客去主留湖月白明朝依舊醉春光  
春色年年詎有涯梅花將落又桃花如花更有嬌歌女尚少胡姬弄琵琶

憶姬人

客遊數改期不爲桃花堤離衾淹晝雨夢驚怯春泥芳艸遠猶綠柔條近



更迷妾心寧自苦愁殺亂鶯啼

朱主事長春

長春字大復易程人萬曆癸未進士知尉城常熟陽信三縣癸巳歲升刑部主事削籍爲民大復與虞長孺屠長卿皆有文名好仙學佛大復罷官里居修真煉形以爲登真度世可立致也累几案數十重梯而登其上反手跋足如鳥之學飛以求神舉墮地重傷僅而不死茗上人爭挹綸之有集十餘卷虞長孺爲之序

歲事歌二首

除夜春雷隱地起小年歲雪紛未已黃泥乍融不肯凍百艸作芽青欲死艸死不愁愁麥黃冬煖根薄恐易傷眼前米市忽騰糶人間那得陳千倉城頭烏鵲無數叫父老對之愁斷腸

歲前立春下黑霧三日蒙蒙歲朝度白日下光雲頭烏沾衣如墨土如腐歲風况自東南來發書占之民有災苦竹根邊土頭動棠梨梢上山蜂積豈無當道問牛喘對雪呼僮且舉杯

木介行

長大有才實倍我學字磨穿青鐵硯口絕鹽醃吐共牢相隨南北常相見  
憐我無依在我傍寒原幽谷同貧賤嗚呼三歌兮歌樂飢鵲鵲鴻雁霜洲  
飛

大妹哭夫城東隅小妹哭夫海昌廬城隅淚乾海昌廬新鬼舊鬼爭安途  
買舟昨日弔新鬼維經暑月無完膚牽衣頓足相向哭弟妹失聲眼盡枯  
三年不見語音改是耶非耶燈前呼可憐頭上榛半尺良人一擲簪珥無  
嗚呼四歌兮轉淒切野田水溢寒聲咽

雄雉單飛兩雌死大夫婦來哭內子楊家孤墳艸蕭蕭李家靈衣風靡靡  
去歲長安笑語喧今年總帳烟塵委霞帔新裁翟冠好芳魂不去驚猶視  
嗚呼五歌兮意難陳鼓盆欲下還逡巡

有女有女寄外家伶仃飄泊空如花采得雙柑不忍食索人遠道投阿爺  
陶令多情中郎苦一形一影西日斜願汝出門鼓琴瑟不願去國悲胡笳  
嗚呼六歌兮音轉細晦口無光掩青桂

白白袒免頭上繞兩度三號哭年少長夜幽林歎一聲山鳥驚飛虎低叫  
千里提攜多苦辛十年夢寐空啼笑病骨稜層影漸銷頻香何日生秋廟

嗚呼七歌今歌正哀操戈揮日登荒臺

懷淨國

客有歸來辭都作蓮花字五柳珊瑚枝三徑玻璃地天童候金門香霧總而至翠襪傾丹英紛紛羅應器翩然六銖輕秋霞生半臂解衣浴澄地雷風撼仙吏承足青玉沙妙觸各如意空樓千樂吹演第一義吾安進機歌獨笑聲聞醉極樂詎有涯行向刀林戲

屠長卿過訪有所投贈次韻答之

南山逢緯真脩然見仙骨羨此龍鶴姿相攜入玄室至言了不煩大無是何物衆人祇天刑獨解其桎三壬抱日明六翩搏風疾豈必伊竺乾羽衣不須脫三氏徒紛紜端如狡兔窟長汀負鴻包十襲何密密進行迷汗漫獨往寡儔匹誤爲鄭圃遊商風轉颺颺閑窺小白華中衣生海日校書空然蔡諦髮不施櫛偶發同心言忽已交臂失將無隨通明鄧山禮文佛蓮萊亦化城在在閑耆嘯

哭許阿大靈長

病眼昏如霧髮雨灑霖霖聞于界過門椎枕一聲哭龍井張春筵送客仰

華屋長揖辭此世云返下宮宿

許前身下

折腰幸歸來

折竟就木嗚呼

五十年與子頻徵逐清狂混酒人

許前身下

長咀疑祠祝攫取法書跳嘲諢文園撲

久染長安塵常攜永安僕

許前身下

遇我簡通室許所因叙情初熟泮宮總

角遊蕭寺同几讀朝夕數莖齏瓊食半升穀阿二提食柵阿十捧書牘家

貧苦兄弟世事傷翻復我出逢眼白子歸只頭禿不如阿二仙不聞阿十

睦尊生老隱山宛死人人入屋平生書畫船條齒衝風覆藻火洗欲盡琴瑟

調難伏有口嚙歌鴿無心先賦鵬憶我初第時暴病刀刺腹子來扶掖我

夜起至五六悲子不及藥魂飛胡太速相負知已多以茲淚簌簌念子學

書來退筆有幾麓千秋翰墨林定蒞鍾王族米顛邀許顛須生衆香國合

掌繞蓮花往日曾肅穆莫念德生兒其叔非癡叔一說如更神伙覆十

杯且享夜臺福許神許若見長庚星慎莫假踏踈暫作升天行借他

雙白鹿許好書借子許昔者毘山社三人好奇服子初名木孺若木光煜煜

授我長孺印許調笑詞壇伯胡家第三郎三孺自品目文鼎兩趾

傾駸鳥雙足縮騰踔大地間偃蹇惟我獨蹇行擬何之攬涕空盈掬

閑適做白氏體二首

曲閣祗容膝低牀當結跏舊衣多穩暖小隱不繁華四十名途絕三千佛  
界除白蓮洲上住淨土已生芽  
白屋還施粉瑩瑩雪不如更開三尺牖照我五車書冬盡收芸艸秋來曬  
蠹魚便便一夢覺人道孝先閑

十月十七夜泛二首

塵市千人夢明湖一舸飛賓鴻紛對語顧免澹忘歸難得芙蓉醉生憎對  
艸肥獨遊開渾沌寺寺掩松扉

收拾遊人去還予玉一輪兩湖成獨往十月夜尋春野鴨呼名急驚魚擲  
浪頻蕩烟分桂棹直擬犯星辰

中秋西湖社集分韻得齊字一百韻

白月青蓮社文星遠聚奎長庚秋映桂太乙夜分藜巒色三台紫峯形九  
曜低金牛須會女張鹿不躔氏明聖依才子清光鑑羿妻占應傳太史道  
或問王倪虎觀高呈瑞明堂上布緹閔吳通寄象漢魏忘筌蹄反玷提牛  
耳流芳挾麝臍壇中誇倚馬雲外喚驅雞士行標銀管朋簪合玉笋蔥裾  
看楚楚珠履亦娉娉各上登仙舫都升取月梯當筵虹氣繞搖筆日華迷

空溪浙浙復浙浙一夜風響如霹靂雲紛天晦急雪來半是虛花半成汁  
初時點戶濕有聲瑟如簾下擊秦箏須臾上下雨且凍滿地蹴裂黃河冰  
冰荒荒兮雪離離乍融乍合白垂垂千家瓦瓦一時結大如木扇長如錐  
茫茫山川望不見但對孤城白於練忽然聚鳥齊飛呼千株萬樹都封遍  
碎者作花聚作葉疑是梨花夜間月披枝搖曳無數鳴又如列戟揚兵聲  
城中萬戶閉不出一老臨河獨歎息問之低頭手把樹十年木介曾如是  
冰荒田次盜賊起至今賣子婦無處往時臘盡今況春雷動艸出水有濟  
南市白米斗錢百四方在在流饑民含咨相坐未卒語雪風吹濕頭上巾  
關門且抱林下甕喚婦當壚自煮鱸

入棲賢山逢朱大

日照樓臺白空山步正賒谷禽飛避客樵子領婦家野食烹秋菽荒籬對  
澗花偶然逢故舊小坐說桑麻

春曉端雲庵留題

細艸迷巖路平田帶寺門春風遊客少宿鳥見人喧山翠當虛坐花紅落  
小軒清幽愜所好況對道林官

採藥冬至上岷山

採藥至山寺仲冬野日清寒光侵艸色陽氣入鐘聲雉于飛餘雪漁人出  
晚晴占年望雲物未得免浮生

移家四首

翠竹新成映白沙碧湖深處是吾家欲逃城市移家遠頗有山林發興賒  
野鳥昨過窺几席隣人相見饋魚蝦蓬蒿不少楊雄宅翻喜門無載酒車  
桑青杏白野田香浴鷺飛危煖渚長盡艇春遊山靄靄雲帆時度水茫茫  
一尊行樂依花塢雙鬢偷生托燕沙便與妻兒成避世他時雞犬即仙鄉  
每怪陵瓜傳五侯何須徑竹候羊裘漁樵來往人皆好丘壑行藏老即休  
巢燕關頭飛娜娜戲魚籬尾出悠悠采蓮采菱明朝興早向東隣買小舟  
曲笠聊從采杜蘅含香未擬望金莖養生叔夜貪遊興多病相如薄宦情  
薄酒不從時社飲野人隨地結春耕卜居賦拚終隱漁父何勞更問名

水壯引興

宿雨浮山眇欲無啾啾蘆葉生羣兒巖邊樹擁回流白雲際帆隨及照孤  
滿地孤尊翻釣舍誰家錢笠罷農人籬花徑竹垂垂沒莫遣沙崩損藥爐

黃少詹輝

輝字平倩一字昭素南充人萬曆己丑進士選翰林庶吉士授編修官止詹事府少詹事異時館課文字皆沿襲格套熟爛如舉子程文人目爲翰林體及王李之學盛行則詞林又改步而從之天下皆謂翰林無文平倩入館乃刻意爲古文灑然自異館闕課試之文頗取裁於韓歐後進稍知嚮往古學之復漸有端倪矣己丑同館者詩文推陶周望書畫推董玄宰而平倩之詩與書與之齊名其後與袁伯修中郎兄弟研窮性相之宗所至游覽山水尋訪禪衲雖居華要有道人雲水之致以品望當大拜忌者使言官抨之謂詞臣結社談禪與方袍員頂爲侶不當復黜廊廟遂不復起而卒袁小修曰戊戌之冬伯修中郎皆宦吳門予入太學平倩從蜀來聚首最密中郎作詩力破時人蹊徑多破膽險句伯修詩穩而清平倩詩奇而藻兩人皆爲中郎所轉稍相失其故步壬寅冬平倩請告歸蜀會蔡伯修予送之西陵自取榜紙書隆中詩予賞其王略無偏正天威有縱舍之語又極愛翫其字法至今藏貯緘囊中也平倩未嘗自定其集今所傳者皆其身後門生故舊掇拾成之故其詩文佳者多不存



石鼓歌

成均橋門列者石相傳周宣員獵迹蕝勃時時雲氣生倒薤依微破苔隙  
彷彿蜩皇五色墮錯落星辰尚堪摘此石閱人人遞喜昌黎先生好尤癖  
可憐光價絕鼎鍾霜艸風沙無憐惜元和到今復幾歲流落尤能脫曰碣  
金繩斷玉柯近蟬榻何繇見光澤孔子刪詩偶遺漏不緣片碣誰搜索  
或疑成後蒐岐陽取舉之言具楚籍車攻卽類宣王詩四牡東徂豈西適  
周家蒐苗世有事平岐峨維定何擇大篆分明如籀手詎楚卑卑其能役  
況復李斯七日歎弱骨今猶相碣嶧此書穆滿當伯仲爭今文孽掩宗祏  
宇文偏西復安取一笑豎儒揣量窄慨豐奇字誠辱收六體沮堪證今昔  
位置何須爭甲癸參差枉自疑君帛從敘缺剝費摩挲古意居然存者碩  
頭晦隨人亦有時一出雍涼幾爲客小雅終存王者氣夜夜精光爰相射  
護持豈爲耽奇字想像中興在明辟方今太平無一事風雅歲歲孰摘掖  
但令夢寐到成宜隻字猶堪動心魄老生更訪吉日碑剔盡崑崙亦何益  
嗚呼石鼓歌成誰獻聞槐市陰陰上花碧

自軍莊尋滴水巖下作

老龍攫天來神工鑿隨從厖鼠生羣鬱觸頷盡虛空有地皆天行是石作  
水用小龍引雙鬚顧盼左右縱裾喬互蔽虧局鎖絕耘種飛錫從何來浩  
劫開濛濛何意摩尼珠流光及微圓細博此愧非娑竭居邂逅備禪  
誦添香無所有滴泉或堪供山王諸眷屬大小悉相奉藕孔不厭藏蜜脾  
附滋衆橫疊拓胸蟠旁鑿祛脾痛剝竿昨初建有客遠來共容足行汗漫  
置身等飛動玉乳試仙芽珠果分山俸千峯在按膝直若堂視衡兩廡夾  
帝青河光冷相送顚氣吐陽仄冷風扇陰洞絕壁度微柯鳩棲謝危棟自  
云冬臘和差苦結夏凍同心笑相語茲遊適秋仲二儀正平叶萬象足搏  
控羲轡投西腋蟾宮隱東弄宿鳥亂林影星辰忽遶迸咽聲俄聞寂秋蟲  
絕喧閑空響何處來使我不成夢披圖昔神搖俗氛苦醺醺今來將早鴻  
幸爾辭韉鞵振衣愷風隨始覺微塵重樂矣蓮花國茲遊更無縫

滴水巖二首

晨雨洗秋碧千峯寒古苔雲盤小馬入河折大龍迴源水不知處澗花相  
喚開茫茫塵劫事問取石林灰  
細雨不妨遊輕雲散若流馬蹄時帶水蟲語似乎秋續騎方縈樹前尊已

入丘虛疑山路遠半爲古碑留

朝陽洞下二泉

洞天人不知龍亦自爲名石室金盞發丹牀玉几橫曾經幽客住不遣宿猿爭坐覺羲和近真騎紫栢行

酌巖泉

石髓從君剖何如玉乳香額珠光直射膽鏡影橫張甘露霏龍沫寒星散鵝漿一杯和笑酌分得道人糧

自朝陽洞登巖頂

雪竇虛無啟雲幢指顧生花唯諸石竹艸乍認山精鹿角峯岐過鳩頭世外行孤鴻知我意從此共南征

安樂窩

茲山曾姓孫公來復爲邵茅宇亦人羣遠心豁倚峭危坐二十年陰陽恣翻使用志疑于神神者亦相勞衣冠等韋編從敝得靈造忽于消息門頗出混濛竅既了圖南心乃與公和笑始信玄駒穴饒有日月照未來已成昨萬古空相吊弄丸任真行擊壤從俗調我來攬遺跡沉真想觀妙萬有

亦何思乾坤本不耀耳目盡繫表若爲論太少義皇不離人無言日相詔  
幸謝執戟疲可展牀頭好吾亦愛吾富端與偶玄豹

睡起偶作簡無修兄弟

返照帶微潤天似欲雨者輕陰減遙翠月已下弦也今日送行客談笑集  
蘭若離懷冷遊興去住空殘竿儼如一聚沫風前忽分捨關鞍十丈塵息  
影數椽瓦睡思一何親枕簟復橫惹夢國無邊際騰騰恣遊冶最後與鶴  
言鶴倦忽而啞蚊雷鬬囁語枕上失歸馬鈞簾發孤笑此夢真邪假新夢  
正爾來舊夢那堪把晨會已如作西日行東下逝者速于輪誰哉爲炙輶  
茫茫千萬緒何物任海瀉憶我同心言唯應結蓮社獨立吐長吟端禽聲  
漸寡暝色波暗流星光淡相灑

咏史

吾憐東方生辟世金馬門滑耀時若詭委蛇體自真假以龍變姿而偶郭  
舍人竊酒戲萬乘折簡調平津繆巧固無端諷諫難悉聞壯哉割肉手何  
有瑤池春濯衣紫海遙長嘯流清塵歲星去幾時青蠅遽來臻太息巫蠱  
究何用千秋伸

發白沙驛登鬼愁嶺望夷陵懷表密修及諸子

清霜礮晨飯戶限卽林麓山夫擁兜千踴躍輕跳鹿丹碧委厓澗空青引  
簪竹路勢本直下迫窞翻成曲有梯石斫膝無梯石嚙足虛疑猿接臂倒  
比蠅仰屋輿撞人作組懸我出深谷千峯走芒屨大鳥紛北撲旭影捩去  
吮雲翻怒相觸但見黃牛背不見黃牛腹俯睨一縷烟昨夜曾託宿不以  
朝嵐重猶可西陵目美人遂河漢言笑何時續淨侶良可歡能無念余獨  
送劉學式給諫赴漳州

一尊綠酒付何處東風吹來客將去不愁客路不逢春何日重來共春住  
去任相看且盡杯春遊從此判醒回眼底酒人風雨散明朝人日爲誰來  
曉發巴東

霜枕村雞兼竹雞出戶便踏三層梯沙崩橋折不可度耐可船行當橋路  
下坡喚取桹葉舟捉撓推山山逆流水急撓勢難上覓得枯蘆才二丈  
船無羊耳馮誰牽倉猝繫之漿斗邊岸轉岩嶺石相戲仰看山路如簾細  
灘頭白物是平生者回始踏朝雲行那知白首高唐夢猶帶寒江半里程  
送胥計部使餉薊州便道還巴中

太倉門開冷雲濕赤囊刻閨風雨匝天子驚傳索馬價馬神夜向錢神泣  
鑄金爲馬會銷磨馬化爲金足轉多健兒無事日食馬馬魂暗訴諸陵下  
此去脫巾難料之向來懸磬誰爲者火雲燒海海骨露中州千里無青樹  
去京千里日蕭條使者流民共愁路憐君自暑著征衣猶喜輶軒得蹕歸  
愛君不忍強君酒心與白日同西飛茫茫天地一微纒正恐余婦君又出  
且憑傳語慰鄉人礪稅終須有停救

白沙驛

山驛冷荒荒昏烟帶葉黃窗交蛛網月垣隙虎蹄霜攜手同人盡迴身獨  
夜長佳期惟有夢夢去轉蒼茫

西溪社少陵祠

出峽是仁意栖巢仍戀枝不應三畝券買得古今祠淺泊龍猶侮孤鳴雀  
自悲祇應離芷近屈宋有前期

襄陽隆中四十四韻

斬蛟寒浦外何處臥龍岑亂世燕齊事高人管樂心隆中山故園漢上日  
偏沉魚水應奇會蜩螗耐數尋乾坤交顧盼雷雨動蕭森感激輕強弱營

綜妙古今騰揚師盡躍虎視敵全瘳王略無偏正天威有縱禽雄圖文武  
略密計鬼神臨糾合忘殘局艱危失斷金屯田判不退按堵了無侵風送  
迴旗影星疎冷劍鐔木牛機少洩巾幗辱猶任多壘揮文氣秋原別主忱  
三分寧風畫二表自餘音宇宙綸巾老山河陣薊沉荆梁寒色迴宛雒亂  
流深苔石遺遺井松聲豈故林短茅存露井疊劍引霜碁寂寞軍前淚虛  
無世外琴箏響空簡策羽扇奈氛祲執御甘相屬沾書共欲禁水流深感  
歲雲出詎爲霖撫稻思圭里看桃恰蕩陰英雄俱往跡歎息此彌襟想像  
躬耕罷婦來抱膝吟

送梅禹金還宣城

北風吹雪亂征塵野寺離觴不記巡歌筑動迷追賞地琴書偏泥倦遊身  
來時柳絮如今日去後梅花是故人及到敬亭相憶否東山女伎正迎春

次韻答江進之見贈

簿領如山蛻骨餘散曹日與列仙居新知總入逃禪酒往事都成解夢書  
身外姓名空自縛年來容髮定何如長安雨後西山近瘦馬安於四壁車  
贈鄭使君開府鄖陽

肘懸金印鬢初斑遙望鄖陽錯繡閒自取赤文開地軸真同玄武鎖天關  
衣袂斜綰三州水劍脊平分兩戒山檠檠清香雲氣裏謝羅仙跡好追攀

別汝鈍二首

前路中年惡殘杯暗淚銷隔城今夜雨江樹萬山遙  
曾任依黃菊重逢判白頭春明一杯酒老盡漢宮秋

巫夔道中雜歌四首

任雲也自學朝朝老雪判春未肯銷鴈嘴啄成三角路虎牙銜出半邊橋  
未嘗五里已三溪幾許寒厓挂斷霓亂石累成春雪碓橋橫作上天梯  
星星冷炬拂雲堆夜踏偏橋半欲摧人隊似猿穿嶺去犬聲如豹透林來  
懸梯東折復西還雙磴斜開碧玉關不雨不晴天着睡冷雲橫出夢中山

入峽書懷

華髮還來炤玉溪斑衣常是夢中啼屏陵尺素何時到家立相如客舍西

巫山界嶺

野馬荒前候子開天青獨卜客衣來美人若有相思夢雲雨何曾隔楚臺  
西陵別表小修用韻



山陽殘淚滿荷衣此別深憐法侶稀與我周旋明日始爲誰流浪十年歸  
采蘭自有山中樂抱甕原無世上機巴蜀音塵猶幸接江魚西上雀東飛

巫山二首

搖落悲秋客隨風亦上臺如何千乘出只爲片雲來  
陽臺花一片落盡楚宮春西家空作賦原是夢中人

方生遠來病中遺以小詩

只尺佳人不見之翻緣不見更相思江城寂寂花朝雨常記君來是病時

陽臺

千里猿聲已峽東半篙明月舞春風楚天何處無雲雨獨到陽臺是夢中

陶器酒望齡

望齡字周望會稽人禮部尚書承學之子萬曆己丑會試第一人廷試第  
三人授翰林院編修歷中允諭德起國子祭酒以母老乞終養母喪遭疾  
而卒謚文簡周望年九歲即能坐終日與其兄問答皆世外語在詞垣與  
同官焦竑袁宗道黃輝諸性命之學精研內典悅慈湖陽明龍溪近溪之  
書曰慈湖師陸文成之所自出餘子文成之裔也閱歷清華多引身家食

游覽吳越名勝一登洞庭兩遊白嶽楚人教宏道謝吳今偕遊東中陟天  
目窮五泄詩記爲時所傳周望於詩好其鄉人徐渭作洞庭山遊記規摹  
柳州近效蔡羽萬曆中年汰除王李結習以清新自持者館閣中平倚周  
聖爲眉目云有歇庵集行世

咏上苑桃花

館課

度索山頭駐綠霞蓬萊宮闕卽仙家共傳西苑千秋實已着東風一樹花

雪巖二首

有序

萬曆癸巳十月十一日夜坐雪巖天梯上雲色滄縣四顧蒼然悵不見月  
偶述二絕

中夜披衣聊出戶無數山雲掛庭樹忽然數片飛不遠已作風前二溪雨  
丹壑蒼茫處處鐘夜深天畔有孤筇寒燈一點松龕裏照見雲間五老峯

懷昭素

良會不可值我行何所之疾如臨老別愁問隔年期霜落開帆重天寒去  
雁遲殷勤驛樓月得似漢京時

遊五泄六首

各有序

青口

從諸暨縣行五十里皆山中然勢散緩行者頗疲怠將至青口前有巖嶄然出雲間客望見皆喜心踊欲超比至山忽轉面截去路絕若無罅並屋行半里許溪澎湃然鳴隔溪迺覺有門竇涉而入如行委巷中矣兩山離立不數丈畫絕梯磴翁翁如欲闔行數十武輒一轉溪隨而縈之十數武輒一涉山是純石峯峯皆傾欹特各各取態或如原園或窪如堂或如案上果畢也疑初是一山將有神人斬其脊而中開耶石壁上踰躅盛開紅紫如繡不可采掇五泄山上有劉龍子墓龍子人而龍故詩云然龍子爲龍時陽精洞丘谷神行物無礙摧山如剖竹青口當其塗長巒勢奔騰若若萬羽林分行避黃屋抵今苔蘚壁卽是羣山腹天空墮石碎雷與斷雲足見斧一以剗神鞭驅不續躑躅花其顛聊舒遊者目

第五泄

五泄之名以瀑水勝然山徑固已奇絕矣入青口十里至五泄寺寺右緣溪崩摧而上復折遂至瀑布所水懸可千尺石壁如削左右環擁映水益壯不知視匡廬雁蕩何如也然聲勢震滿口暗目旋神魄失守亦雄偉奇

時之觀題名於壁曰萬曆丁酉三月廿日公安袁宏道敘方文俱山陰王  
贊化會稽陶望齡與齡同遊

白蛻飲晴壑一飲萬人鼓腥風飲涎沫下有神龍府傾崖與迴薄橫石佐  
爐怒十里骨立山洗濯無撮土通源杳何處落地名第五客來泉亦喜舞  
作千溪雨赤脚立雨中衣沾黼厓樹廿年成始至重遊在何許憑君鐵錐  
書一破蒼苔古

### 白龍井

五泄有二龍井黑龍井卽第五泄下石潭白龍井在寺南五六里許穿谷  
中而人大太如青口道也而兩壁加隘岩巒加巧溪加駛石門石園石果  
罩皆具而加巨轉招變換不可名狀稍進云已是寺前案山背似非人世  
之行客顧恍然而已時日漸曛幽悄可畏不至龍井而還

招提萬山裏門與蒼崖對嘗聞白龍井竄出清溪外沿洞未覺遠忽抵前  
山背半壁仙屋深迴峯洞門礙奇巒互傾仄飛溜各形態厓松老將化石  
筍看來大磐谷戴土耕寒苗接流漑蹊幽生晚畏迴轉添新愛已謂人境  
窮焉與村翁會息肩支短策洗足坐鳴瀨但見玄髮垂安能辨年輩因知

雲霧間神仙宛焉在

第一泄

宋景濂記云諸泄惟第四級不可至或以絢圍腰繫巨杙俯而瞰其取道  
蓋從嶺上下耳僧言山下有細路緣崖可上則四泄皆可至也時方雨險  
滑不可置足褰裳從之從者多諫罷歸寺詰朝步上響鐵嶺從山腰得斜  
徑攀挽而行臨其巔望之四瀑皆宛宛可見夫匡廬雁宕一級水耳猶得  
名況五泄耶

山雨無崇朝青苔助巖險四泄安可求山僧只指點興來身命微危磴幾  
欲犯童僕進苦規同遊亦譏貶慮深膽易惴計阻心竟歡勝事忽若吞清  
眠夢如魔展餐動喘策臨瞰勢已儼羅紈瘦攀緣荆榛費誅斬跼石愁足  
跌踣泥任衣淅下望五白龍遙遊競騰閃

紫閣

泄之水百仞五之意是天上落也從鐔鐵嶺而登至絕頂謂便當下乃忽  
見平時長林桑竹蔚蔚滿塋組織水皆安流審之卽隘而爲泄者地各紫  
閣民居頗稠或至巨富四望絕然平遠亦更有翠峯環之上山卽富陽縣

界予與客皆言兩縣地勢高下遽如此復不謂是山頂行十里忽復下走如一二里始至地由此言之安知今所謂大地者非處於孤峯絕頂乎一瀑懸百仞五瀑方到地每緣嵐霧開略想峯頭翠卽此料泉源應從白雲墜攀藤漸躋陟屢息始能詣誰謂孤峭中忽有桃源事雞犬散村落竹木成位置連疇溪女桑卓午樵入市向來五瀑布平流若溝隧十里方下山人家在天際

玉京洞

從五泄至洞巖寺凡三十里洞在寺右始入如永巷巷窮廻開闕如七間大廳堂遇闕處卽名一洞如是者不測爲幾也未入時寺僧攜席以從云穴隘者至不得手行須首引其尻如蛇蚓狀以爲藉耳洞中然數十炬猶暗炬火小如棗核不見光燄隘處又苦烟塞觸眼鼻皆酸旣至穴口數刺頭試之畏烟竟不果惟寺僧與王生及僮輩二三人更進數洞出爲言所以聞昔有行脚僧曾擔簍深入者見大溪石橋而返頂上聞櫓聲當是錢塘江也

靈洞積陰晦火烈不得揚一炬纔照身有似秋螢光神幽意多危羣客悄

不狂相牽隧道窮  
爾開堂皇石髓結還滴  
蝙蝠鳴且翔布席通穴口投  
身引其吭要當蛇蟠行  
恐逼蛟龍藏勇夫三四人  
老僧啟前行還言所歷  
殊一一仙人房其下流  
清泉其上安橋梁踐嶺  
突高下尻背時低昂火  
燭曠欲盡變與安可量  
嘗聞長老說有衲來何  
方折松爲明燈腰包裹  
餓糧持咒禁妖恠表塗  
留批繅猛志忽地險深  
探遍靈鄉頂上搖櫓聲  
依稀是錢塘與君凡境  
居安知仙路長

覽鏡七首

三十七年聊把玩峻坡  
馳馬隻輪飛陶潛官罷  
知今是梵志人婦歎昔  
非白骨觀成看世妄青  
山招隱與心違桃花一  
雨平湖滿且乞長竿守  
釣磯說法從人誚馬留  
似猴良亦勝真猴牽絲  
刻木渾兒戲斷木殘山  
足夢游溪潦旋添菱女  
柵霜痕欲上橋奴洲此  
中論管真吾事爲寫漁  
裝著釣舟食惜生香事  
有徵吾生物化豈無憑  
筍鄉嗜久枯同竹梵夾  
緡多瘦亦僧輩血斷來  
餘紫裝衣冠拋盡只朱  
藤荒蕪田業關何事已  
種南湖十畝菱鏡裏容  
顏頗自知須知元顓卽  
吾師持籌詎免挪揄笑  
顧影行遭問兩疑蒲相  
苦無蠶室婦曾身半屬  
債家兒生來百醜醜明  
面可猶窮人盡是詩

莫恠年時愛道裝姓名久已隸空王六時自禮蓮花漏每日親拈印字香  
詩景天和邀客扣衡門艸長與人長夜燈點罷仍朝梵靜業山中也覺忙  
春風濠上始觀鯈秋雨簷前又醉濕萬事總如僧剃髮一生偏愛黍垂頭  
嶽崎歷落真堪笑寵辱升沉定不憂試向唐生問身事騎牛躍馬竟誰優  
季主誠賢術未奇子卿巧中亦吾欺豈如明月盤龍鏡解照清霜病鶴安  
羅葛攀援秋欲斷魚龍蟄伏冷相宜可憐憔悴東陽守老病臨頭帶孔移

小園

滿窗烟翠鏡湖南隱士圖書海岳庵畫艇故教藏五柳啼鶯頻與喚雙柑  
泥人山似當春睡中酒花仍白晝酣已插疎籬護芳艸更添微徑擬三三  
寄懷袁伯修

楚表蕭灑似龐公十載交遊伯仲中尺素懷人勞強飯一瓶餉遠笑擎空  
總無兒女謀身易示有威儀與俗同苦憶西郊共攜手江南今已棟花風  
湖上新屋成向有山居之意故云然

東西坊本依城市大小山今有弟兄擬卜幽棲分嶺翠好憑竹閣聽泉聲  
倦同飛鳥投林急慵愛蠅牛戴屋行湖上一椽聊爾爾扶犁權與老農耕



讀華嚴合論

禪心端合一生休，偈價真堪萬死酬。虛有身形似腰鼓，愧無手指發篳篥。  
謾繙小本華嚴論，爲送初涼葉落秋。頂髮欲斑除未得，祇應枯瘦擬比丘。

陳侍御西湖庄

名場羨爾一身收，墨詔新銜拜醉侯。艇子舊裝蓮葉樣，吳兒殊有串珠喉。  
輕輿軟迓花間馭，晚翠朝烟水上樓。我有清狂公記取，十旬三度淨慈遊。

送詹生

了無經術只甘眠，且免門人笑腹便。隔歲豈堪緇舊曆，癸琴端爲發新絃。  
低頭我已推東野，高足誰能似鄭玄。莫惜湖亭暫時語，夜潮偏送上灘船。

端午日無念師二詹生吳生同集齋中偶看坡公汁字韻詩戲效

韻四章末章呈似念公

吾聞稽阮儔，頽然嗜米汁。呼酒如救焚，五斗未曾濕。清言多妙理，往往酣  
中得。不知三閭公，沉湘有底急。有如雲間鵠，而視池中鴨。覆載豈不宏，愁人  
眼空黜。園芳延令節，安石榴花赤。秣青萸，蒲兼酒白。酒爲濡吾唇，  
花以華我幘。行從漁父歌，一弔孤壘泣。醒魂老更苦，澆酒箴其缺。今日良

公會坐有千里客願客醉勿醒醒後憂來集

榴嬌乍頰頰柳暗初流汁湖南去飯牛飯飽牛耳濕炎景困騰騰嘉賓來  
得得同忻節物換再歎流光急艾葉巧成虎沉香微吐鳴開軒去屏障獨  
許庭花羅越酒苦醞醞殘落珊瑚亦家傳蘇氏方頗類吳中白豈徒側君  
弁歡賞行墮幘連槽瀉春溜幾夜糟牀泣餅壘幸未恥杯勺豈愁缺主人  
不自謀醞美真爲客莫厭園蔬貧明朝肯來集

子家造真一酒色味似三白

生平食字飽渴飲松煤汁共壓強韻詩思苦筆未濕紛如舟競渡紅錦志  
先得勝事出危險好語生迫急每愛孟東野銅斗誇射鴨雖無壯士懷幽  
韻寫蒙羅飛情高鳥墮洗恨遊魴赤不獨吟者勞聞歌已頭白伊余亦何  
事肩聳髮去幘胡不日中眠強效寒蟲泣靈均去我久風雅道漸缺我欲  
拜低頭誰是詞壇客何當喚韓孟去作城南集

學道如癡狗銜枯苦求汁悟道如涸魚登陸徒响濕空虛無片段豈要論  
大待跡往電猶遲鋒馳箭非急多言祇自困喧呶鵝鴨夸足走踈踈勞  
晴花羅羅吾師無寸鐵應敵雙拳赤摩壘大鼓幢摧邪老韓白而予本幻  
士枯木冑冠幘蚓有無腸歌鵠有無情泣雖然共居諸且不受盈缺從師

蘇浪游非主亦非客眼前曠劫事一會靈山集

東山

竹梢藤蔓冷僧扉門外蒼松忽減圍

舊多老松夾道起斷藥更誰悲遠志

摘花猶得訪薔薇落潮漁艇晚初閣上蒲風帆健欲飛絲管暮年陶寫盡  
謝公何日復東歸

久麥

久麥化蝴蝶蝶化寧自識翅粉漸凌亂鬚鬚好粧飾無端夢爲周謬言大  
鵬翼著書一何困矢口談道德當其夢覺時栩栩亦暫適莫信夢中言前  
身一腐麥

春雪

犯寒先報數聲雷待約還停遶屋梅  
非時雷後晴山靄漸沉驚密密雨絲  
初送轉皚皚戲量曉砌攜筇步欲拭春粘着屐回  
春雪結展湖水如粧景  
如畫可堪癡坐畫皴灰

雪消

柔姿能耐幾時消況是春來臘後飄曉暮薄寒飛旋濕夜宵多恨滴無膠

風前趙女愁堪訴老去顏郎髣髴易凋惟有山梅解相惜深崖鐵幹鎖冰條

放生詩十首書王董父慈無量集以凡百畏刀杖無不愛壽命爲

韻錄八首

人生事腸腹及與口舌三二但取飽軟一乃司吾饒萬錢飾盤筵殉此徑寸甘下咽了無知理與木札兼晚食美葵藜甚饑望藿鹽徑寸況易欺胡當信其婪半鬻償一身債主真不廉人羊須臾理請君觀其凡

介虛曉牛鳴治長諳雀藏吾願天耳通達此音聲類羣魚泣妻妾雞驚呼弟妹不獨死可哀生離亦多慨聞語旣嚶嚶吳聽了難會寧聞聞人肉忍作吳人膾可憐登陸魚噉喁向人諄人曰魚口噤魚言人耳背何當破網羅施之以無畏

挾弩隱衣袂入林羣鳥號狗屠一鳴鞭衆吠從之羣殺機翳胸中粲然若懸杓吾聞螳螂蟬能變琴者操至人秉慈尚虎象焉足調因果苟無徵視斯亦已昭與其噉羣生寧我吞千刃

從事愁見拘波臣苦遭蕩蠲氏羣處囊悲鳴更相杖寄書已成悔見夢徒增妄數錢贖爾至縛解羈囚放困極勢未適蘇餘氣仍壯銜恩未忍去故

作三回望何方絕網釣何去保無恙感激見深衷遲疑抱遐悵贈爾金口  
言努力此廻向轉水具功德蓮花好安養微施豈懷報往矣慎波浪羣蛙  
猶有情鼓吹西窗傍古伯從賢名

昔有二勇者操刃相與酷曰子我肉也奚更求肉乎互割還互啖彼盡我  
亦枯食彼同自食舉世嗤其愚還語血食人有以異此無

吾聞豐坊生赤章呪蚤虱蚤虱食幾何討捕況已酷借問坊食者還當呪  
坊不弘恕聖所稱斯言非佞佛

生物不可食熟已過時敗生既嫌腥膻敗時仍臭穢腥穢君所知胡爲強  
吞啖水火幻味香口鼻成災恠如蠅穢中育還以臭爲愛及其生子孫居  
然臭穢肉坑園難久居蟲乎可爲戒

豎首橫目人豎目橫身獸從獸者智攫甘人者勇鬪悲哉肉世界矣物獲  
長壽一虎當邑居萬人怖而走萬人俱虎心物命誰當救莫言他肉肥可  
療吾身瘦彼此電露命但當相閱宥共修三堅法人獸兩無負

梅季豹見訪同爲雲門禹穴之遊詩贈其行

白葦黃茅都一槩蒼松何意入雲栽練江秀句今如謝敬攬餘甘舊屬梅

溪閣熟眠秋到寺石亭壯觀雨兼雷  
憐君醉後談能勝倩取湖光爲洗杯  
與季豹遊雲門

叢竹生籟晚稻齊石橋重訪古時題  
谷雲未出俄成雨簷瓦初鳴已漲溪  
月氣忽穿殘蜺斷亂山翻在夕陽西  
秦碑解讀隨君讀苔磴從高不濕泥  
過何泰華園分韻二首

花事殊堪譜魚羣似可名涼風吹蔓影  
急雨打荷聲清簟便慵臥朱欄傍  
晚行嘗新北泉冷重爲煮沙瓶  
今日何園句能無憶少陵迷人寄生酒  
匝地月支藤蓮褪魚吹粉苔深石  
減校軒窗隨面面寒竹影層層

雙蓮詩二首爲童貞奴作

黃鶯歌殘調轉悲鴛鴦塚畔夢猶疑  
只應池上雙蓮影得似當年鏡裏時  
雙窺雙語鏡中粧蓮葉蓮花總斷腸  
幾倩西風洗紅粉斷香零露老秋房

四月晦日泛若耶至雲門寺以起坐魚鳥間動搖山水影爲韻十首 無五首

兩崖十里蒼篁根中藏一溪雲月髓嫩粉生香荀出林老枝壓地花成米

溪上老翁撐竹船摘米炊枯弄清此月下何人見往來惟有山棧同坐起  
結葉垂花老橙臥四山無風午剛挫板花蔭葉橋畔涼葛屨生衣安穩坐  
田家初飽麥上場溪雨新過水推磨林間起步餘睡清青梅滿繁雀卵大  
五雲山前盤古樹曾見前朝老謝敷六寺鐘聲何處盡僧殘惟有粥呼魚  
筍天已過麥地瘦一飯山厨鮭菜無青鞋布襪客何意擔水揭揭來澆蔬  
夏首新熱葉氣蒸細路危橋得幽悄橙樹成林已快人況有鳴泉覆深篠  
松髯石髮雅能淨竹穉易雛憐最少何時一牀臥僧閑飽聽凌晨醒來鳥  
雙溪港口泊幽夢石帆山下朝欵動荒村客到松鼠奔小市人喧竹排重  
我生百事松上鍼雖有寸長何所用石田千畝雲外閒去采靈芝爲君種

焦修撰竑

竑字弱侯南京人爲舉子二十餘年博極羣書束修講德疑然負通人之  
望萬曆己丑舉進士廷試第一人除翰林修撰選擇爲東宮講官講讀故  
事旅進退依經解義而已弱侯講畢拱揖而進曰臣等敷陳或有未備願  
殿下垂賜明問東宮稱善自是每講必從容扣擊應答如響是時睿齡才  
十三聰明日啟弱侯之功爲多太倉謂元子冲齡典學當引誘以圖史故

事弱侯遂采輯成書繪圖演義名曰養正圖解同官相與側目喧傳已私  
進禁中乃具疏上之上詳加省覽溫語批答忌者並衆丁西北試上度原  
推兩官坊別用弱侯原推者魏恨憐新建合謀傾弱侯言官遂用科場事  
快譴詆毀弱侯陳辯甚力新建從中主之以文體調外任自是屏居里中  
專事著述李卓吾陳季立不遠數千里相就問學淵博演迤爲東南儒者  
之宗年八十乃卒嘗自言胸中有國家大事二十件在翰林九年未行一  
事林下講求留京事宜行得六事至今不知一十事爲國家何等事也惜  
哉天啟元年以先帝舊學優賜祭墓南渡時補謚曰文忠所著書二十餘  
種皆行於世

石鼓歌 閻試

周原石鼓奇且闕幾年踪跡沈蓬萊世遙幾得睹拓本殘章斷碣如瓊瑰  
何人輦載踰千里至今照耀黃金臺河傾崑崙勢曲折雪壓秦華高崔嵬  
蔡邕稽康那足數石經奔走洪都儕回思共和歷隋代披荒斲古其誰哉  
天昏地慘鬼夜哭至寶欲出風雲埋韓韋博雅始一識鄭向搜索窮山隈  
四百六字傳青簡二千餘載開蒼苔龍畫旁分爪蟠互蟲書深刻神剪裁



求致太學竟不果鳳翔落莫空山崖皇明文物邁前古冲融雅頌相沿洄  
辟雍構陳雜黠黠廟堂臚列參樽彝想見周王盛羽獵從臣撰述皆奇才  
聲詩炳蔚垂日月雕鏤宛轉回雲雷之梁山泐跡半掃漢水鼎沈名已灰  
豈知籀徃蹟自在摩娑細讀如談詠近傳岫嶼碑更偉青字赤石鉅以魁  
宣王雄俊神禹智何異鼻祖於雲來神物出沒兩不偶昔何揜翳今昭回  
安得移之置一處挈龍披鳳心眼開春風却立讀萬過咎繇吉甫親追陪  
嗚呼咎繇吉甫常追陪

靈谷寺梅花塢六首

山下幾家茆屋村中千樹梅花藉艸持壺燕坐隔林敲石煎茶  
簷蔔林東短牆曾開寶地齊梁初春老樹花發深稠無人水香  
一枝初出岩阿看盡千林未多天女知空結習散花不礙維摩  
二十四番風信四百八寺樓臺何似艸堂梅燕同人先探春回  
落落半橫參月溶溶盡洗鉛華盈盈湘浦解佩脉脉蘿村浣紗  
西湖夢斷人寂東閣粧殘月斜襟解微聞薌澤鈿昏半卸檀霞

馮庶子有經

有經字正子萬曆己丑進士選翰林院庶吉士除編修歷中允至庶子光宗皇帝在東朝充講官公五歲喪父事太宜人以孝稱每進講光宗恒目屬之曰馮先生孝子也喪母不勝喪而卒天啟元年追錄舊學贈禮部右侍郎

石經洞

小西方境隔層臺半嶺何年一藏開舍利湧光文字住香林施淨帝天來山名白帶知幽爽洞作燒痕試却灰更上高峰最高處風雷竟日爲鳴哀

春盡過顯靈宮

長楊夾路水流渠高閣烟光落檻疎歌鳥報晴雲徹淨架藤滿紫蝶來初風迴筆佩飛譚塵香撲真文走靈魚有藥駐顏難駐日一春抄得酒方書

王知縣一鳴

一鳴字子聲一字伯固黃岡人萬曆丙戌進士授太湖知縣調臨漳負才自放不爲吏道所拘左官不得志飲酒近婦人而死伯固爲稚欽之從孫其族有同軌者繼稚欽稱詩識伯固於兒童時以稚欽衣鉢期之伯固之得名自此始尉氏阮漢聞序其詩曰伯固再令臨漳之歲淹長安邸三月

酒酣大叫黃金白雪流毒千載授予自訂稿一帙爲人攜去無何物於官  
戊戌過陞陽驛見題辭壁一章今但記孤臣長糞土萬事隔雲霄兩句耳  
伯固師法少陵每一讀輒批評而封識之其專勤如此所與稱詩者阮及  
秦京其同調也

江上望飛雲洞

咫尺飛雲洞巉巖不可登江風吹落日時見出山僧

夜行問外舅病

問舅甥宜往存親婦亦攜路長寧禁夜月小正臨溪淺水時時渡高山步  
步迷不須求駐馬早已聽鳴雞

渡河至大梁

隴淨林爭出寨紆岸果通日增秋艸澹風閃石花紅獵騎歸梁苑沙人牧  
宋宮憑高一俯仰來往愧冥鴻

五月末旬館中作二首

細細生青靄娟娟動綠筠晚涼風入座簾捲月隨人天寶唐中葉長沙漢  
遠臣雙龍空在匣何地出風塵

寺僻諸天近人忙五月殘書淫長不治藥裏近相寬菜熟供賓話牆低借  
樹看豈應聊住此吾甚夢魚竿

便民倉是縣漕米人江處時方憂旱

修竹迴斜徑高蟬噪夕陽數行遷客淚一灑便民倉剜肉知何補勞心或  
自傷驕雷蟠赤日念爾稼登場

白蓮峯再別阮太乙張若愚

州澤悲將隱蓮峯慰獨留因君三日住贈我萬山秋芋栗供僧飯滄浪憶  
釣舟諸天念離別鐘磬晚悠悠

泊九江

澤畔吟遷客雲邊認郡名天扶驚浪轉秋共放船清山密無勞問江長不  
肯平舵樓城下泊旅飯月初生

夏日雜詩

天入層層樹山迴片片雲乾坤輪獨立江漢正平分久計行藏熟深悲治  
亂聞林深見麋鹿異類得同羣

寧夏破賊歌

東倭西虜共機槍  
寧夏軍書報太平  
九廟紅雲迎飲至  
諸公白日快談兵  
馬當

早發鱗魚嘴  
西風過馬當日連波  
晶晶天人樹荒荒  
遠岫能相遲  
歸鴻不計行  
禹功疏淪苦  
今古戒垂堂

固鎮驛感舊

憶昔朝天回  
憇此湍青沙  
白殢春陰已  
拚車馬兼程苦  
更劇干戈死  
戰心羣盜就平  
吾放逐五年  
重到暮登臨  
桃花最似曾  
相識嫩葉繁  
枝伴獨吟

戲馬臺

彭城南郭雲山豁  
病骨扶筇午上臺  
燕去鴻回登眺眼  
龍爭虎鬪古今才  
荒荒白日三春過  
滾滾黃河萬里來  
昭烈祠堂亦隣近  
綏雲烟樹更徘徊

十月三十日夜二首

十月餘今夕孤城笑  
此身雲牆喧柝重  
霜月捲簾真鳴雁  
悲千古懸魚負  
衆人北風時引領  
燕趙接風塵  
墨墨懷孤憤  
皇皇過六旬  
浪移秦國水  
穩積漢家薪  
雜遝乾坤事  
奔騰戰伐人  
星檐送徐步  
高樹上蒼旻

可歎

可歎羈栖地誰高簿領各醉鄉有天地大事問公卿江縮龍堪蟄山深虎自耕十年路傍月猶照逐臣纓

除夕答秦京

孤城留翰墨高咏豁心神歲晚悲遊子官卑憶古人鼓鐘迎曙急梅柳報春勻愧作長安夢衣冠拜紫宸

十載

十載猶遷客孤踪愧俗人長緘存後舌乍保殘餘身楚澤雲千里春城月半輪替夫潛未得飄泊損天真

旅舍

旅舍清淇側經過有底忙樹圍春堡急沙漲午風黃萬事看雲哭三年躍馬長敝車生耳地僮僕笑行藏

衛上夢見徐孔時李聘若

客夢通徐李晨鐘報獨眠空花勞世界宿艸幾風烟此友慚天地餘生悞保全衛流清樹底應共淚潸潸

卽事

清漳曲折逐臣居，病骨西風枕簟虛。數罷過鴻無一事，半窗槐影半窗書。

述懷寄達邢大僕子愿先生二首

白簡騰三府，黃州任二年。早從新穀貸，寒想疊衣眠。蘭出山川貴，深耕性命全。優游開萬卷，事事信皇天。

鵲山寒吹老，雁泊溟烟深。杳杳登臨眼，紛紛離合心。報書扶病寫，好句背人吟。亦有三臺酒，秋軒想共斟。

寄高邑趙孝功夢白先生

恒相無多路，郵筒苦不傳。韓陵高樹杪，碣石亂雲邊。世事添酣睡，高才早棄捐。朔風吹水立，俯仰一潸然。

宿州見燕子

燕子孤飛眼乍新，睢陽風日可憐春。細推湖海同爲客，漫住亭臺莫避人。穿壘銜泥終物性，南來北去任天真。處堂一慟堪千古，對爾題詩會會神。

王編修衡

衡字辰玉，太倉人。少傳文肅公錫爵之子也。年十四作和歸去來詞，以諷

江陵館閣中爭相傳寫長而學殖流富能詩善書散華落藻名動海內萬  
曆戊子舉順天鄉試第一少傳方執政言者攻之急少傳陳辯亦甚厲而  
天下不以譏少傳者以辰玉真才不愧與首都人士皆耳而目之也越十  
年辛丑舉進士廷試第二人神宗問知爲少傳父子科各相似爲之歎  
息授翰林院編修省觀乞歸屬疾不起辰玉少爲詩落筆數千言已而多  
所持擇每一詩就輒悄然不自得其友唐叔達規之曰探珠于淵採玉于  
山夫何容易子殆將進也辰玉自以宰相之子當通達古今治體講求經  
世要務又奮欲以制科自見窮日夜之力於斯二者而以其餘力爲詩讀  
其詩者知其才器無所不有固不盡于詩而詩亦不足以盡辰玉也

支硎山口占

曉山烟重暮山開石馬三朝半綠苔掃得墓門清似水梅花昨夜又飛來

花朝

晴烟膏露若爲容踽躅香苞望曉紅莫怨五更風色惡開花原是落花風

計偕別長孺仲醇

結旆蕭蕭事遠遊沙湖湖上荻花秋征帆日落長江外送客鐘聞野渡頭



一夜弟兄吳市酒幾回風雪刻溪舟緇塵古道渾如許珍重初衣問白鷗  
與仲醇館中夜話

腰鎌無賴剪秋蓬孤館寥寥夜色空忽報客來鐘定後共看心事月明中  
夢回書帶飛蝴蝶坐上經簾墮網蟲種得芭蕉堪作紙墨莊荒盡舊墻東  
北上呂城阻壩別親

蘇蘇寒雨滴平川共話行期笑屢遷宿神故冷河畔色新炊半見客中烟  
隔江鴻雁如兄弟明月天涯是去年匹馬夕陽綠底事梅花零落野塘邊  
池上卽事

含情落葉已繽紛深轉歌喉齒未分橋上玉人真咫尺簫聲似隔數重雲  
大內蓮花

西山青落影娥池仗外芙蓉入照時薄雨未清初日暈晚風欲語向人枝  
六宮香粉流紅膩三殿浮涼湛綠漪的的夜荷人不見集靈臺畔露華知  
寓極樂寺

灣灣綠水帶城陰白日青蓮雙樹林萬疊雲山千里夢六時鐘磬五更心  
寒空貝葉翻香蠹春日簷花坐語禽隨意竹牀葵菜好經簾不捲畫堂深

東坡作戒殺詩貽陳季常季常自後不復殺妓亭之人多化之有不食肉者適有感于吾里宴會之後因和前韻得二詩示閑仲肯倡此戒于里中不也

人饑慕梁肉肉厭思茗汁徑寸神明舍燒炷爭暖濕珍味縱可窮饑飽要自尋于我膏腐餘于彼捐所急曲曲方塘邊授授牧雞鴨時哉謹棲止柳花作茵羅憐汝巢卵傾忍使羽毛赤每來待曲宴倒甕浮大白漸爲腰綬帶或遣可穿幘釜熟薪且勞斲觥湯已泣少損郇公厨鼎邊未爲缺淡然天人慍請以羞主客一枕茶寮清時時共來集

飲酒不盡尊暖肉不盡汁同生天地間念此相向濕每見肉食人豈營亦甘得齏牛挂脯林無乃非其急窗前能談雞欄傍自名鴨性命嗟有制俄爾膏鼎烹五蟲毛領殊共茲一腔赤蠅蝦縱高飛曷思螻中白強力相噬吞何異虎而幘撫已刳功能恐彼釜底泣吾欲食稱事稍補百行缺乞汝耕值餘施我不速客願同雀鵲馴欣然掌中集

公侍郎集

魏平孝與掌陰人萬曆癸丑進士選庶吉士除編修官止禮部右侍郎協

理唐事府幸與家世詞館與臨朐馮文敏同學在公車時已有宿名齊魯  
間博學多聞爲詩好徵引故實如昔人所謂徵祭魚者一時館閣之士無  
以尚也神廟中年儲位未定內寵耦嫡羣小因以植援媚與閭通釣黨天  
啟之初流蔓未已議論紛呶孝與以宮端入朝曉暢舊事抗疏別白指陳  
其所以弊羣小惡其害已盡力擊排遂引疾以去不得大用然至今三十  
餘年國論咸取衷焉有集三十卷行世

子夜夏歌二首

馳輝入朱明湯風庭中滿歡情如激水易消復易斷  
青蓮如華蓋明珠朝露鮮風來倚蓋側珠亦不成圓

秋歌

宵燭無餘光熠耀已在堂螢光能幾許焉照妾中腸

出戒壇北行寄羅山道遇雨小憩村家

路轉瑤壇背陰崖石更奇前峯堆日絮過雨颼颼遊絲暫問油囊酒旋鋪馬  
嵐棋麻姑至泰寧家酒莊在二月初四日始得油囊酒王却因爭席處轉與野

人知

西郊有地名釣魚臺金主遊歷處

花石遺京入戰圖燕門衰艸釣臺孤不知長徽官前更得見南兵入蔡無

陸參政懋龍

懋龍字啟原鄞縣人萬曆庚辰進士官至制廣參政

初入諫院寄慰肥城父老

刺縣息勞人新班立紫宸柳花收薄效焚艸企先臣漏欲天同補膏肓土  
漸春淮西甞麥候緩稅乞呈仁

行部公安袁進士中郎過訪

雙旌初到郭片刺忽臨門冷榻塵誰掃新茶火正溫望君知白晷屏從接  
清言待浙官厨米留燃坐日昏

尚樓雨集

不量晴雨便稱卮雨過樓頭別一姿畫壁雲香從座起筠簾風影逐波移  
歌殘燭地春衣怯語雜觴停夜泊還帶濕管簫疑半咽城烏啼上隔牆枝  
還家作

官道如弦照水空雙扉半掩綠槐中曾經拜命施行馬又到揮絃送去鴻

友誼詩集卷之五  
三  
邴祿初過謀秋酒羊棋罷賭聽松風生來左癖稱專業手課兒童爲教忠  
偶閱先輩劉大叅洪黃觀察隆盧諫議瑀嚴駕部端夏遊福德庵  
詩次韻

落盡藤花始一遊綠楊如握可維舟手持茗椀哦詩罷半岸紗巾露白頭  
小院

小院幽陰似井間風枝墮地點苔斑何時錐却重檐去露出西南一角山

吳通判稼燈

稼燈字翁晉孝豐人僉都御史峻伯之子以父任爲郎官至雲南通判峻  
伯與王元美爲同舍郎元美詩未有名峻伯進之於社而汪伯玉則峻伯  
所舉士也翁晉弱冠稱詩爲二公所推許長而掉鞅詞壇勃窣苦心白漢  
魏以及三唐無不合咀採擷然而游弇州大函之門風聲氣韻多所熏淫  
求其超乘而上則未能也峻伯論詩有違言上歷下故弇州於峻伯頗有  
貶詞而翁晉學弇州之學弇州力爲援引遂以有聞於時其父子間流別  
如此

秋夜有懷

孤燈掩虛室獨枕撫空牀客寐何緣假秋宵一倍長離懷江水急薄命柳  
條黃西月橫天落鳥啼滿樹霜

秋懷四首

誰家淒切搗衣聲吹入空閨恨轉生永夜寒鳥棲未定清霜獨鶴舞難成  
素絲沈水元無影綠綺臨風久不鳴惟有舊時機上月照人寂寞片心明  
金荊爲枕紫荊牀已共秋塵委曲房燈下有情婦絡緯機中無夢到鴛鴦  
明星爛熳愁天老燭火離離歎夜長一樹桐花零落盡可憐梧子自經霜  
當年竊藥事還眞碧海茫茫未許親銀燭可憐徒向夜玉顏無復更知春  
清商感激愁中曲落羽羞池有鴛鴦奉詔長門能買賦黃金取酒爲何人  
重扇落葉迴相依羅袂無聲事已非寶鏡欲開鸞自泣玉釵初斷燕猶飛  
旅葵未生空井苦藥真堪添故衣滿目清秋何所似白雲秋色遠微微

花朝

日氣朝青池上波交交啼鳥傍池多三春花事終難負二月風光半未過  
土俗歲時存舊記閨人單袂製輕羅正憐一樹櫻桃放桃李相催奈若何

社日過山庄

背依叢竹面清溪茅屋蕭疎類瀼西兒子社錢無用覓田家秋釀且相攜  
渠間已去將雛燕塔下新行傍母雞一東荆薪兼煮火不愁山路夜歸迷  
舟行歸思

大江日夜水粼粼飛盡楊花不見春枕畔獨吟愁裏客鏡前雙笑夢中身  
生能無鬢麗居士老未忘情白舍人兒女團圓樂歸便得底敢歌榭暗流塵  
夜阻江上

風揭空江浪忽興停舟斷岸石棱棱遙聞野寺一聲磬近辨漁家幾處燈  
歸信不如潮有准客程翻似夢無憑薄寒誰爲更衣計閒殺中間半臂綾  
金陵酒肆贈茅平仲

暮年看爾壯心孤落落酣歌擊甕壺但數一錢憐姹女纔誇千騎笑羅敷  
梨花雨濕紅襟燕楊柳春藏白項烏欲向盧家借雙燕莫愁不是舊時湖  
代寄徐仲容

秋雨蘇蘇滴井梧風吹妾夢到東吳生來自恨青谿近獨處無郎似小姑  
春夢

羣書一束枕山楹殘雪融簷作雨聲春夢不隨春水慢片時還到閨間城

梅太學鼎祚

鼎祚字禹金宣城人雲南叅政守德之子禹金舞象時陳鳴堃王仲房皆其父客故禹金少卽稱詩長而與沈君典齊名君典取上第禹金遂棄舉子業肆力詩文撰述甚富萬曆末年六十七賦詩說偈而逝有鹿裘集六十五卷禹金于學博而不精其爲詩宗法李何雖游徧漢魏三唐終不出近代風調七言今體步趨李于鱗又其靡也秋減葉聲中五字擅場雖于章萬句亦何以加禹金好聚書嘗與焦弱侯馮開之暨虞山趙玄度訂約搜訪期三年一會於金陵各出其所得異書逸典互相讐寫事雖未就其志尚可以千古矣

雜感六首

萬曆初江陵當國時作

羲輪發扶桑虞淵弭六龍圓景戒恒滿朏魄以示冲如何夸毗子作意矜  
顏容步捷舉趾高顧盼有餘工執極何不然人鬼且合從屋舍驕亦淫氣  
灼若流虹修途焉可竟天運亦有終

海燕西方來雕梁託其端羞池若有媚主壽稱萬年涼風忽東逝舊壘成  
棄捐微禽一何知適與徂化遷北山有寒焰南山有溫泉一氣相蕩薄陰



陽互爲權

龍角曉已旦星鳥貞良時三光亦浮繫焉得久控持風水爲輪樞玄天經  
玉儀空虛密流徒自然有成虧晝挈通相矜媿媿安所歸八埏生亂戎戎  
首職爲誰

物與常下會至至各有宜女魅非北御應龍安可爲炎德履巖閨重華嗣  
堯我共工遇其敵一怒絕地維

長虹貫白占壯士髮穿冠子胥齒屬鏹鼓氣揚湯川少女志填海愚公力  
移山幽微晦見則賤庶亦有權積羽欲沈淵積憤欲傾天  
鷗雞屬其羽玄鳥歸故鄉日久涼發大火戢朱光陰氣馴以至艸木卑  
焜黃九六代爲窮龍戰血從橫堅冰自有時聖人戒履霜

三醉龍使君帳中歌

清霜初報湖中客陰雲出鬼如蟠石今朝又入郢家厨一句三醉龍君席  
龍君豪飲卷白波食單事事敵韋何濟蜜髓缺那可賞飲乳蒸豚未足多  
更看蒲葉傳新菜別有櫻桃字俚儺平生最愛寒消粉此地新煎熟洛河  
野夫飽食兼大醉龍君醒眼雄相視直邀玉女對投壺復催鐵騎橫饒吹

一官從左祿從微，好向文君問典衣。  
有酒且開北海座，無粟仍守東方餽。  
滴滴蓮花漏欲盡，天河漸涸殘星墜。  
難辭猶泊孝廉船，來期再就丹陽尹。  
秋夜過盛仲交

濁酒淹霜夕，繁枝映戶庭。  
治城高片月，淮水蕩疎星。  
秋漏愁相促，寒鐘醉共聽。  
世今無北海，誰慰爾飄零。

送順公還吳

自得清涼界，因乘海暑征。  
禪心無住著，遊脚有歸程。  
宛水浮杯小，吳雲托鉢生。  
松枝東向處，知是舊經行。

圩莊省稼

出家何所有，雞黍具賓筵。  
歲事猶難卜，農談近自然。  
稻花晴愛日，楊葉晚生烟。  
更約重來處，秋風社鼓前。

酒醒

夕雨復宵風，單眠夜易窮。  
酒醒燈灺裏，秋減葉聲中。  
掩衾衣仍短，纒腰帶漸豐。  
自非儂共汝，持意向誰工。

王仲山句云：秋盡葉聲中，盡字減字俱妙。

曹以新自婁東移居吳門清嘉坊寄贈二首兼懷二王公

五湖浮未去一畝關旋通爽塏方茲日清嘉本博風魚鹽安市隱蟹稻祝年豐此地憐堪卜相期覓數弓

曹丘誠長者輔嗣得賢甥馬策西州路鶯花亞字城平生無長物獨往有深情憶三弁色浮家一草輕

新年一首答流波君

舊客新年復滯淫淮波明玉柳明金白饒解佩留歡約誰識吹簫乞食心度水齊鐘沉雨氣隔花歌管咽春陰啼殘絳蠟魂如夢雙鳳雲飛上寶簪

小寒食

客邊寒食似來朝遊興今年覺盡消逆浪相邀湖上櫓齊楊何處市中簫故山岫長迷新鬼別院花開伴阿嬌爲問前期知近在春風春雨更迢迢

頻姬坐追談正德南巡事

頻姬之先有頻妃傳見韋氏角枝王案

武帝時巡蹕舊京烟花南部屬車行更衣別置官楊統蹴鞠新場御艸平偏選極槽催鳳拍忽傳金彈逐驚聲寶奴老去優仁遠坊曲今誰記姓名禹金原什第二句云主顧鈞大書宋洪州衙子大筆夫人事列幸台與本題不切余借改之

梅太學守箕

守箕字季豹宣城人禹金之叔也秀才不第潦倒自放與歌姬昵好伺其  
登場傍徨侍立移日分夜必尾其後而歸流寓十年貧不能糊口死于白  
下詩不爲今體

祁美仲

美仲俠士能訕伸好奇箕少遊豫章乏食卽行乞市中

客遊小四海不褻千里糧饑從烈士食渴飲阿谷漿遺俗若委蛻翩翩乘  
風翔縱橫狹路間禍夫視侯王訕信惟螫龍蓬累我所當城中乞食已長  
醉胡姬傍

黃白仲

白仲客少侯家竟以遊爲罪

九州易爲處胡然遊帝州碣石多悲風易水無安流修轡臨狹路驚馬取  
道周流言亦已甚微詞方見求肉食誠足鄙薇蕢難自謀一爲適越吟長  
揖謝王侯

送潘景升北遊八首

萬壑寒雲興于嵒嶺白露既下嚴霜戒之水竭其堅榮變而衰時之方殷  
如何弗悲

薄言送之于江之濱弓矢在御佩服孔明百里旋風千里興雲如何良友  
遂此離分

顧瞻帝京官闕義我左肩滄海右帶濁河太行接盤嶺萬界華建瓴之勢  
萬國是儀

七貴雄門五陵俠士霖霖連雲星流電駛載騰康莊揚風易水側惜荆高  
經過趙李歷歷天上不取有咫娛心極宴聊樂我止

歲將大計萬國來朝車騎馳驚四牡有駟翟第錯舉琮璜宜昭公車濟盈  
羣策畢招末士殉榮通人見超世我正則以嬉以教

高鷺遠眺至彼朔方烟塵野合關塞悠長接流幹海託鄰里鄉悲笳夜呼  
春艸旦黃堅水蔽道車螯馬傷言念君子愛思不忘

熠燿蜚鳥振翮願升去其南陵集于北陵恥與黃口附風超騰鶴鳴在皋  
鵲慘于水翼彼南風亦懷共乘我思伊人終莫可勝

我有斗酒好與君期徵歌以瑟以樂斯須來茲未明去日難追勉旃周道

母以后時

吳訓導子玉

子玉字瑞穀休寧人以歲貢授應天府訓導年七十六月盛暑當道以書一兩屬令編纂觸熱眩暈坐勞瘁卒學博而敏數千言立辦詩文九十餘卷以詰曲填砌爲工其于近代文章專推李于鱗而吳中劉子威叙子玉之集極其稱許所謂同聲相應也

五日青樓人

朝來無意理流黃斜抱雲和獨倚牀自念青樓逢令節誰將白苧寄河梁頻邊玉筍露蘭水指下金刀滌艾香展轉不成纏臂彩空令愁緒繞絲長

瞿少卿汝璉

汝璉字元立常熟人文懿公景淳之子也以父任繇五府歷郎署知黃州邵武二府升長蘆都轉運使加太僕寺少卿致仕元立狀貌小起室孤生以名節自厲凜不可奪居官著清望任子得卿銜予告蓋近代異數也博學無所不窺尤邃於內典一時推爲多聞總持萬曆間任子有問元立與四明屠田叔元立能作賦而田叔尤以聲律稱云

黃州雜詩二首

世豈棄君平君平自棄世生闕希世資詎待風牧志獨抱義皇心賣卜成  
都市垂簾日脩然國爵屏其貴伊余偶乘會一麾寄江鉉訟庭橫高霞質  
成澹無事因之問夫子寧以章甫異廓落非所嗟沈冥有深契  
明月翔雲漢何心衆憂喜管絃醉蘭厄茄斗悲戰壘盈缺不自期二陸從  
所校當此清輝溢流照山川美幽樞佇虛白素心澹於水鴻荒非我先酬  
酢巢君子云胡北林鵲驚飛未能已援瑟扣清角悵望扶桑淚

登齊安偶成

匣我能忘琴勿復奏流徵要眇諧宿襟不入郢人耳念此中徘徊抑按從  
下里唧唧聚樵牧衆愜心自鄙更軫謝琴聽拂絃返吾始河魚雲際鶴曠  
世尚知已

重華南狩時九有誦光格帝子望不還蒼茫九疑碧天地寄寥廓壘空寄  
大澤成段真須臾詎云窮極胡爲壘中人遯競昔人跡歲月閒鶉若物  
華美穀食風駕非我馳停寧非我息去去莫天閑鶴枝運鵬翼

鳴弦

莫訝過從懶知希野性便易閑窺點筆雲濤和鳴茲幽事在孤賞心期豈  
聚全蕭條南郭几兀傲赫胥前

厝運使本歐

本歐字田叔鄞縣人大司馬大山之子以父任官太常典簿官至運使

潮生

潮生君未來潮落君又去來去總無常勞勞西江渚江渚月明潮又回耶  
行那得好懷開明朝試有天邊月不待潮生落槳來

會稽道中少憩

易道紆回入千岩綠樹低轉留空翠處少憩石橋西別澗潺湲浸叢林系  
屨啼坐看鳬與鹿引子過前溪

在事

華髮逢春春事繁支離猶得傍長安忽傳天上新榆火轉憶山中舊藥闌  
家有薄田堪釀秫世無知己莫彈冠燈前兒女遙相詫采采芳芹不滿盤

楊太學承鯤

承鯤字伯翼鄞縣人父美益嘉靖二十六年進士官止太僕少卿伯翼少



負才名沈嘉則戲贈詩云誰家小兒楊德祖青天之鵠丹林虎氣猛健關  
凌秋風膽雄力王不受撫驪壇忽樹五丈旗自喜少年能跋扈嗟我老大  
筆力衰尚然技癢賈餘怒酒酣登壇賦大言共說將軍老還武將軍號令  
選偏裨汝作先鋒領旗鼓勸今虎今誰敢侮世上凡兒何足數君不見楊  
德祖嘉則詩出伯翼自是有名游燕京作薊門行盛傳長安有集行于世  
薊門行贈張伯誨將軍

薊門三日風日黃驚塵漲天歸路長禁柳條寒半欲折邊榆葉稀天欲霜  
將軍角弓控不發樞上鳴鏑動咆哮王帳高寒瀚海雲朱旗半掩孤城月  
城頭落月照皇都萬家漠漠秋烟孤算天軍中一事無蹴鞠笑踏紅氍毹  
繡簾銀燭夜慘淡仰視河漢西向趨乳皮韃白金城酥酒堂醉客爭撈蒲  
將軍大呼一擲萬袒臂已覺無全胡天子但顧西南隅荒蕭條八月雪  
鳴雁哀叫胡雛呼雲中古戍烽埃緊瀉陽勁卒膽氣粗天山茫茫白艸枯  
文皇遺缺生紫翠至今羣胡不敢動側目嚙指空驚吁英雄出塞薄萬里  
龜茲于闐入版圖君不聞北斗之下爲中國太宗滅蠻心未休翠華却過  
北斗北千秋仰見堊堊離萬古長沙淚霑臍

戲贈李之文

東城有李生北城有李生東城太長北太短兩人好古俱天成  
髮半白北城好酒兼好色按歌往往伍彩雲對酒時時飲  
白幘青樓冥冥高入天下臨大道橫紫烟樓前盡是會稽竹  
掃日含風若寒玉盛夏五月天毒淫雲疏雪壁常陰陰江中  
濤聲日在耳白蓮紫榴開復深此時君正眠石牀層氷戟戟  
領酒漿脫巾大叫髮至地縱有狗竇誰敢望生也有舅列宿  
郎好道今已歸壘陽口吟大洞已萬過猶在桃花縣中坐昔  
時意氣何壯哉唾罵韓柳如驚才忽思枯槁望八極拂衣欲上  
中天臺人生百年會有死白日虞淵等閒事綠筋自是天生成  
世上行人若流水不如乃甥情太真白眼不願爲仙人遙望蓬  
萊那能去但飲美酒驕青春

題戴進山水抱琴圖歌

嗚呼清角不復見玄鶴已去悲風呼裨海齊州一反掌乾坤莽莽知音孤  
曲高節疏苦欲睡白首人間空見圖就之忽驚雲木動瀋筆欲下還躊躇  
千巖崢嶸萬壑趨松檜漠漠烟縹緲前有豕羴後虎羆琅玕翡翠紛在眼  
石亭玄映山之隅中有高士牙與期縞衣黃冠七尺軀修眉朗照秋水珠

氣和貌古合禮法一仰一俯宮商俱細看聞聲更見忘似神似非驚復吁  
迸流千片指下墮鳳凰忽叫將其雛嗟我有琴太古調抱之不肯向人操  
幽蘭無聲白雪靜盡圖雕在誰知省東陽可賣死不哀和者旣稀歸去來

長歌行寄呂中南山人

壯遊歸來一何晚雪裏黃精不得飯太行句注俱眼前只尺青霞夢修坂  
潞洲鮮紅味辛劇廣野毳毼太繾綣瀋殿曳裾代燉同館中詞賦凌錦虹  
顧笑催成雪色絹歸梢駿馬如旋風七尺豐軀三尺劒紫貂紅罽光蒙茸  
一去燕雲幾回首戚家將軍汝最厚射鵬每出祈連山走馬時經古北口  
日暮歸營歡宴多黃羊白雁行紫駝琵琶怨蔡昭君曲羌笛哀生公主歌  
簾高燭明月半白坐對盧龍雪猶積北風三日吹行雲邊城健兒不忍聞  
少少離家三十年年年辛苦去防邊胡兒飲馬長城窟漢將彎弧大漠天  
大漠陰沉風雪色蒲梢首霜水沙黑亭障迢迢六千里角幹騰驤三十國  
皇家財賦盛東南漢代咽喉重西北北宸北望無可期南國南歸斷消息  
山人歸來感慨豪扼腕絕歎心力勞鎮南將軍奉朝貴靈武度支憂轉漕  
國家雄俊古有以吁嗟邊事如蝟毛長撓短扒去復樂明日種葵東廢臯

贈錢季梁進士省覲歸壽其太夫人八十

高皇手提三尺劒坐麾四海如委翎凌烟功成賜鉶券詔謂宇內求真形  
錢王古缺漁人得紫繡遍蝕波濤鯉熟看帶礪隱玄玉金書細鏤魚龍青  
二百年來治平久錢氏子孫多壯丁君今蔚起觀滄溟繼精再鍾羅剎靈  
豐眉修幹照冰雪玄言五千合典刑遂令天下望筆跡一語出口如真經  
昨來歛與風雲會手掣紫電開青萍名成進士拂衣出要與吾道爭震霆  
太行白雲常在眼東下扁舟不可轉手持瑤艸身彩衣直向堦前學嬌蹇  
高堂老慈含笑看錦帔素髮顏如丹揅檄始知毛義喜率與絕勝潘岳歡  
牛心龍炙百拜獻寶幄獸爐開壽宴羊酒爭馳里門入左右共識賓朋美  
男兒得意豈有窮有官不用三千鍾但願子貴母長健承顏數上金花封  
錢氏忠孝古有語吁嗟盛事今再逢吁嗟盛事今再逢得不盡孝兼盡忠

贈王思延都護

讀書十年無一字雷雨荒山走魑魅垂老不知行路難翻向衙門紀災異  
眼中五岳分秋毫筆底風霜半憔悴竭來燕市三日遊擊筑泣下常幽憂  
城雲不動凍日白對酒忽憶梁園秋信陵門下賓客盡魏王池臺烟樹愁

信陽王君鷹揚贊衆中與我情常密肯將肝膽向時人不惜皮毛見膠漆  
高牙大纛手自取翠羽金膏漫相失長安大道霜日晴赤驂蹀躞黃金纓  
每攜斗酒慰寒谷并問生涯憐杜蘅四郊逡巡馬常備百面矢口書還成  
慷慨相逢久相別百年艸艸何愁絕壯士空存越石心老妻但笑張儀舌  
歸去天南憶舊遊茹堂晝掩青谿雪

湖干曝日

閣外柳條長平湖半夕陽雪消沙艸綠春動水烟黃老漸思丘壑貧猶典  
驢驕理生無遠計曝背近東墻

憶事二首

何處吹簫夜色涼不勝哀怨濕衣裳平湖自是天如水露滴藕花秋夢長  
翡翠簾櫳白玉宮碧雲無影佛燈紅夜深下界行人絕一片經聲在半空

雪曉懷西清田舍

種來黃獨已如拳手斲冰膚煮澗泉酒醒雪晴無一事竹窗炊火送新烟  
西閣雨望

閣外松間盡夕陽碧窗清晝自焚香柴門不掩寒潭綠遙見西山雨足長

豐 越人

越人字正元鄞縣人有天放野人集于建天啟五年進士

晨汲

晨汲往東澗澗石何齒齒游鱗既濯濯清流復瀾瀾天翠翻在下丹霞亦孤起冷然會我心濯纓乃空水撫茲成一嘯因悟無生理

積雨懷屠田叔李賓父

秋來霖無時江光夕如縷徘徊空郊雲蕭條雜飛雨曠望極膜色疎花澹風清層城有佳客相思一延佇林霏莽復合孤烟鬱平楚何當遲皎月長川下柔櫓

東阡道中

杳杳泛天色孤村暮靄沈鳴榔應前跡分火度中林酒病江南客年銷洛下吟惟應故園月偏照未歸心

秋日湖上

閒棹滿湖雲來尋物外羣石梁臨壑度霜杵隔峯聞樹嘯風相命花愁月與分更憐沙岸夕漁唱逝江濱

武林秋夜值潯陽友

月白夜啼鴉滄江檻外斜風高碁目響霜冷樹猶花行侶潯陽客荒村越女家相看依塵土一倍惜年華

早夏陽羨山中病起有懷漢陂舅李賓父

一臥春歸盡清羸寄翠微地偏鶯較少花在客來稀江竹浸茶圃山榴罨葛衣風流懷二仲吟眺忽斜暉

秋日遇李遇齋賓父兄弟

多病疲于謁秋風下小舸郊扉雲間竹江郭月生潮過雨桐陰靜聽詩燭爐銷愛君兄弟好華髮共蕭蕭

冬日郊居懷金沙庵西虞丈

數里寒林靜郊居愛日暄枯枝鳴曉澤饑鵲下晴原洲煖水生艸風疎葉滿園因思高尚者曾過嶗西村

空囊

悄悄荒林色狂歌興轉長百年初解飲一月早空囊霜雁求禾穗花蜂聚蜜房營營有如此絕倒楚唐桑

曝背

西日經林暖遲遲曝背情卽看殘燒盡遙辨遠山橫  
寒水痕多淺空郊響  
易平病軀便短褐不用獻君明

復雨

歉歲恒多雨林扉隱白氛一春強半去百舌故相聞  
魚艇生衣合隣桃戴  
葉分幽居了生事南畝望耕耘

春晴

新年恒霽色芳艸茂春暉小徑通玄鳥高窗拓翠微  
風輕扶蝶翅洲暖曝  
魚衣祇是幽期慣隣翁醉與歸

春日東城

睥睨滄溟上登臨興若何烟籠關樹遠雁帶嶺雲過  
柔櫓鳴春淑繁花照  
晚波雙江無限思只是夕陽多

至石壁莊

一逕湖心通翠微入山先自着山衣繞籬野豆花爭放  
背日崑板葉半稀  
漁散空洲秋水在烟橫高岫夕禽歸閒居最得無能味  
白石蒼蒼是釣磯



山曉

山館幽扉生曙光曉風殘月共蒼蒼角巾自攬烟霞色空逕時飄蘭蕙香  
日射女垣啼宿鳥露翻桐葉下秋岡三山極目青于指一片閒雲似水涼  
早春

老樹

乳鶯初啣柳初柔花霧林香一倚樓風外游絲連蛺蝶苑中芳樹近簾鉤  
天青晚岫依屏列水綠春江學字流疎懶不堪迎日醉窗閒殘局客來收  
老樹

吹簃

百年老樹倚柴門樵逕蒼蒼野色新醉向溪頭臥明月葉聲風細夜還聞  
空林醉臥不知秋手采芙蓉下小舟明月滿大涼似水閒吹短笛過滄洲  
吹簃

豐應元

應元字吉甫鄞縣人道生之子有鳴臯集  
冬日閒居  
冬日西郊外蕭條無四隣林深巢病鵲霜白見行人采菊非輕世臨流莫  
悵神亦知回也意茅屋不辭貧

寂寞

寂寞逢秋半，褰衣坐水濱。可憐閒盡日，翻是病宜人。葉落疑疎雨，花開見小春。爲生更無計，終自畏風塵。

沈司丞泰鴻

泰鴻字雲將，太傅一貫之子。以父任官尚寶司司丞。

長安冬日卽事二首

滿院微陽到朔風，厭看浪激在寒空。西山朝爽嚴城外，十月江梅藻句中。自許疎叢分凍雀，那堪上苑集冥鴻。纖埃似隔清涼國，佛火琉璃夜半紅。有客婆羅自辟疆，寒梅幾樹倚東牆。經銷夜雨爐烟濕，女散天花布衲香。居士青蓮詩酒外，遺民白社水雲長。蒲團定起聲聞寂，易易何關紫爻陽。

咏花影二首

曖曖鋪芬信化工，不教開謝聽春風。剪裁素手應難定，想像冰姿也未同。物態盡從形裏問，禪心詎待落時空。綠情惝惚遮分別，夜月朝陽西復東。璇空霞蔚迥雲興，纔舞山香黛色層。攀不得時如對鏡，看難真處似攜燈。禺中已識傾陽迤水末，初逢玄露凝偶爾。歡關迎快客，踏來清逕碎何曾。

憶事

空山秋月明處處暮猿清不是愁腸斷還聞第四聲

春思三首

亂水浮花正掩門花神零落未招魂春心不與春光盡細向羅衫覓酒痕  
淚灑梨花作雨痕半生春事不堪論遊絲底底無拘束逢著花枝便斷魂  
津亭拂水最長條折贈夫君挽細腰如今化落無人管閒逐東風過六橋

長安雨後

京塵行處是風烟春曉常疑欲暮天惟有濯枝新雨後江南無夢也冷然

何山人白

白字無咎永嘉人幼時爲郡小史龍君御爲郡司理異其才爲加冠集諸  
名士賦詩以醺之爲延譽于海內遂有盛名西遊酒泉南窮湘沅歸隱  
梅嶼山中崇禎初年以老壽終無咎能書善畫有汲古閣集行世

獨漉篇

有序

爲武義王世名而作也世名父爲族叔所殺母念世名稚匿不發叔歲給  
米菽以償母子相對泣業弗食及世名長爲庠生娶婦舉一子世名袖利

亦伺仇出立斃之有司憫世名孝欲活世名世名不肯令父骨復歸人間  
竟自殺以明婦亦以身殉焉

獨漉獨漉悲歌當哭梁柱有刀車輪無軸兒啞啞繞父足殺父者誰父之  
族兒不敢仇仇爾叔春我黃梁哺我菽兒下有兒兒可贖摩挲室中刀仇  
來仇來刺爾腹報父下泉亦何復有婦有婦從之游不為黃鵠生獨宿塚  
上連理枝左拂扶桑右若木日日繞繞之晝夜代明燭獨漉之歌悲且促

哀江頭

為南康守吳公作也公諱寶秀  
已丑科進士陳氏吾鄉平陽人

飛雲渡口西風急津吏停橈刺船立始陽公子方垂髫掩抑依依向余泣  
為言阿父在南康雙旌五馬爛生光寧知廉吏反成罪諸孤賴爾身淒涼  
父昔驅車到公府高目日詢民疾苦化行遠邇恭月間不圖遽坐中官禍  
中官權移來江州譏征會敏深誅求大旗卓天為秋義艦壓江江不流  
長江日高一丈五傳呼奏樂頻撾鼓于闐寶帶刻麒麟大內金牌盡飛虎  
禿袖監奴紫繡衣銳頭惡少青絲組長官俛首不敢言何況區區商與賈  
左右爛川水衡錢夜椎肥牛朝擊鮮張弓挾彈仰天射鳥飛不近潯陽天  
游徽關頭弛巡邏忽傳商客偷關過駕風遠逐到南康中流縈斷官船破

十人失水九人墮飛騰適值長鯨餓水中叫援呼州民州民來酒酣相賀  
紹璫見說生狂噴自謂奉書因國課墮書統轄及守臣有事守臣當我佐  
州民袖手誰使然民之凶猶誰之故父謂兩璫勿怒噴爾曹腰領無容到  
關津有地稅有經越境猶然黠泉貨而曹之死天死之豈得吾民有連坐  
貂璫搥木怒不止謗牘蜚誣抗明旨御批縱騎出燕京轎車夜達南康城  
南康城外合城內江水湯湯流哭聲錦衣索錢動盈萬家垂何以供充盈  
母憐此別異南北誓願相隨同死生父云一身尚難保豈能攜汝增伶仃  
夜闌掩泣已憔悴阿父搥牀方假寐燭輝無燄雨泠泠阿母遂作無聊計  
開奩試金約指環桃燈更拾流銀髻半生椎髮羞豔妝貧女從來少珠翠  
離婁結束留枕函與君稍佐長治費牀前再拜相決絕念妾并年同結髮  
祇言偕老共苦辛何期中道生離別臺前古鏡名盤龍光與陰精應圓缺  
棠莢繡帶拂清輝琉璃錯匣粧明月更有寶劍名純鈞龍藻龜文炯明滅  
寒光歷落粲星辰白虬糾結流霜雪願得周防君子身要見時危秉風節  
袖有一雙七寶囊低垂四角同心結願言分贈兩侍兒薌澤芳梅未消歇  
女兒未長見尚孩撫養宜均理無別析上猶存蛺蝶裙篋中尚有鴉頭篋

君今遠道勉加飡莫因死者生摧折生者不媿死有知豈羨兩身同一穴  
叮嚀告父父豈知夢裡微聞語聲咽小兒抱頸女牽衣絮泣漸低燈漸滅  
平明呼母唯空牀寧知阿母懸高梁阿父見母死拔血裂中腸兒女見母  
死恨不從母亡闔城聞母死擗踊咸如狂中有但夫人八十髮髮霜開我  
東閣廂着我素羅裳倉皇俯牲醴命僕舁黃腸以泐神細賦八時錄難  
舉親爲殮殮舍三繞母尸傍抗聲慟爲絕陰霜四塞天無光錦衣敦迫難  
久候薄俸那能具行李父老吞聲爲醵金商略通衢寘方輿問閭士子納  
銀錢村莊婦女投簪珥三日得鐙三百餘空城大小隨行車呼天遠徹一  
千單道傍聞者咸嗟吁天王明聖臣當戮詔發秋曹先繫獄中山未白樂  
羊書秦庭豈少包胥哭一物終迴造化仁六幽竟藉陽光燭不分生還見  
故鄉驚看兒女錯成行短衫紫履半零落小子呼爺能繞床夜闌秉燭獨  
疑夢悲喜交并轉沉痛幾回呼母聞不聞嘔血無棺惟一慟孤臣九死  
一毛天心未寤生何聊愁聞稅監益驕盜豺狼滿道人蕭條每當素食漸  
無補風霜只益臣心苦願逐龍逢地下游聖意中回臣得所一朝臥病絕  
復蘇之死猶呼臣有負我聞此語空咽憂古來釀禍寧無由未論遠鑒漢

唐事得不哀痛江王劉憶昔肅皇興楚滋啟沃君臣同一轍刑餘祇合供  
掃除豈得預參藩鎮列江南安枕七十年忍見今時更騷屑吳公吳公君  
莫悲臣能盡忠妻盡節千秋正氣塞乾坤爲雷爲霆有餘烈忠魂儻拜永  
陵雲應抱遺弓淚成血

溪翁行

溪田碎礪河田沃瘠土民勞沃土樂河田多收十斛餘年年不肯全輸租  
溪田收薄少生計刈薪賣穀完新稅春來月出不聞歌昨朝社飲無人醉  
溪翁但羨河田豐家家甕酒真珠紅

邨翁行

老翁耕種居西村白頭不到城東門翁言淳朴日非昔我覺勝兒兒勝孫  
大孫自詭能當戶負租徃徃凌田主日斜歸自縣門來桑下乘涼說官府  
塞下曲三首

南獵單于北掃胡高秋牧馬出飛狐校前碑將軍驕戲下鉗奴舊骨都  
城上驚飛白項烏黃蒿隱見跳黃狐數聲刁斗殘星落獵獵酸風亂馬呼  
春艸年年怨別離生靈不分及瓜時天寒蟻虱上金甲雪裏龍蛇落盡旗

淮陽歸興四首

淮泗秋風動地來，月明如水雁聲哀。  
南經伍員吹荒市，北眺曹公較弩臺。  
歸路漸香菰米飯，佳期已負菊花杯。  
愁聞烽火連東北，極目浮雲黯未開。  
窮秋征馬出扶桑，五夜流烏入建章。  
土木再煩將士匠，詔書頻拜羽林郎。  
山連豐沛今湯邑，江繞濡須古戰場。  
安得漢庭長孺輩，一臥治淮陽。  
問訊吾家滄海君，紫芝滿地吹涼雲。  
長門無金可買賦，谷口何人空勒文。  
卽有淮王招隱士，嬾從蠻府呼參軍。  
玉臺吹冷不歸公，遙夜中天鸞鶴羣。  
初陽古洞敞三扉，憶昨題詩坐翠微。  
嶺已騎孤鶴去鼎湖，無復一龍飛。  
壇前竹浪雲連屐，石上松濤雨濕衣。  
酬架殘書風策策，滿庭黃葉旅人歸。

俞山人安期

安期字羨長，吳江人。徙陽羨，老于金陵。羨長巨目，鼻貼顏，長身狀貌如河北僧。父與之談，肝衡抵掌，意氣勃如也。少客於龍君揚，受國士之遇。君揚被譴入楚，慰之遣戍永安，又入豫章，送之與楚人丁元甫爲意氣之交。元甫沒，厚遇其子海內，婦義焉。羨長嘗以長律一百五十韻投贈王元美，元美爲之傾倒已而訪汪伯玉于新安，訪吳明卿於下雒，皆與結社後門。



韋布頗依諸公以起名才氣縹緲晚亦知厭薄其集曰而聲調時時闌出不能自禁蘇子瞻所謂如浙人語終老帶吳者也子南史爲諸生亦好學能詩

望海二首

紛紛靈異變昏朝陰火隨波遠自飄龍藏函經連水府蜃樓開市借雲霄  
星臨東極無分野山入南荒有沃焦日潮來長應候似應西答百川朝  
湯谷遙看接漢津浮槎真可犯星辰天窮島客西開戶水闊鰲人下結隣  
異鳥避風曾祀魯神鞭驅石想經秦桑田那接蓬萊上翠輦東南總浪巡

哭莫方伯子良

濯研池猶墨邀賓徑欲荒艸青仍倒薤樹白已垂楊夕鳥行書几寒雲發  
影堂修文之帝所扶持有仙郎時雲卿先已長逝

代送中使織袈還朝

織罷水綃進御啼鰲人水國暫停機自憐不及吳簪老一吐新絲上衮衣  
懷方子及時謫滇南監官

一辭畫省動經年疲馬長驅萬里天漢女蛾眉同輦妬楚臣芳艸異鄉憐

謫居敢怨監鹽井領郡應須乞酒泉魂夢蒼茫愁遠道夜郎西去總蠻烟

沅江雜述二首

山過白馬渡千里斷平原水出雲根上帆行石峽門未寒厓已凍不雨晝多昏何自聞人語荒荒虎豹村

平明逢絕浦幽晦氣蕭蕭青浪吹花湧玄雲作葉飄傍林愁黯鬼刺水儼潛妖近午欣看日曩魂始自招

地洞庭湖

南北占星日相隨任遠飄輿圖淪浩蕩舟楫變昏朝雁力翻風盡蛟宮隱浪遙最憐無定處雷雨失青霄

龍君揚赴永安賦別二首

迢遞邊夷戍悲酸絕海行百憂緣國事一哭豈私情積氣寒相結江聲夕未平離鴻何意義哀怨向人鳴

功罪爭論實馳驅祇自傷一身酬謗牘九死列戎行海樹交吹瘴蠻花不受霜長城誰可倚今日爾投荒

夜過承恩寺與吳允兆談舊得離字

兩度高樓夕孤鐘落木時悲歡殘夜語生死故交期傲骨貧偏長浮名久  
漸疑十年身借客猶自愧要離

潘太學之恒

之恒字景升歙人須髯如戟甚口好結客能急難以倜儻奇偉自負晚而  
倦游家至落僑寓金陵留連曲中徵歌度曲縱酒乞食陽狂落魄以死景  
升少而稱詩才敏而詞賦從其鄉江司馬結白榆社又師事王弇州其稱  
詩弇州大山也久之交袁中郎兄弟上下其議論其論詩又公安也中郎  
嘗序其涉江詩以爲出江王之門能前其舊習然景升既傾心公安其詩  
故服習王王終不能有所解駁中郎徒以論合懂而收之耳晚年訪余津  
逮軒酒間唱酬率意塗抹無復持擇人謂老而才盡未幾逝矣景升詩集  
前後合數千篇余悲髯老於詞場篇帙繁多終就淪沒錄其金昌州數首

婁江謁二王先生墓途中述懷

祇園澹園各荒蕪綿竹尋師事豈誣積翠丹臺空集鳳殺青玄州盡傳易  
驚心塵土雙埋玉揮涕河山一束芻恨望新阡松栢路敢從荆樹問榮枯

崑山聽楊生曲有贈

板橋南岸柳如絲柳下誰家楊叛兒  
白苧尚能調魏譜紅牙原是按梁  
詞  
雨添山翠通城淅潮沒堤痕去路疑  
年少近來無此曲舊遊零落使人悲

雨後同錢象先王德操王房仲遊虎丘

客懷岑寂後無復更尋幽積雨沉  
蛟室新雲簇虎丘樹高能半塔山  
淺亦藏舟爲問千人坐曾消幾日愁

慧慶寺訪無懷如庵印宗三開士

寒山東一曲云是白蓮溪寺僻居  
橋左林深到竹西波生梁日動梵  
出遲雲迷莫漫嗟無侶禪枝喜共栖

遊楞伽山

移棹出橫塘悠然見上方天從湖  
尾縮山帶樹容蒼客病消茶碗禪  
心醒石林翻憐臺畔艸盡作芑芻香

西陵逢楊五

一番秋色落靡蕪蓮子香殘更披蒲  
擊楫似邀桃葉渡看花空憶莫愁湖  
淒涼古堞悲遺事寂寞荒園問舊墟  
怪殺錢塘城外柳夜來栖盡白門烏

春燕

海燕留空壘逢春幾度歸引雛將啗啗識正故依依解語欺黃鳥謀身尚  
黑衣莫嫌泥滓污曾向玉樓飛

白下逢梁伯龍感舊二首

梨園處處按新詞桃葉家家度翠眉一自流傳江左調令人却憶六朝時  
一別長干已十年填詞贏得萬人憐梁舊燕雙栖處不是烏衣亦可憐

米山人雲卿

雲卿字君夢楚人少有才名薄遊南北落落不遇徙家金華僑居吳興而  
卒有山居詩極幽人之致秋柳詩十一首金陵人多傳爲之其撥悶詩云十  
年湖上社雙屐邇東山有子癡難教無家老不還亦可見其老懷也或云  
雲卿沐人

秋柳詩八首

離亭當日唱離歌祇爲柔條傍渭河恨不任他攀折盡衰來徒自惋傷多  
百年秋思愁中斷千古春情夢裏過縱是王孫金勒馬也應相向歎蹉跎  
一葉西風耐更凋他鄉何處不蕭蕭依稀有葉還無葉搖落長條復短條難

忘折來情脉脉更愁看去路迢迢  
經過若問傷心地涼雨寒烟鎖  
灞橋纔失陽和氣便寒遙林遮  
霧曉漫漫微霜未著枝先勁  
零露方滋葉已乾弱質縱凋還  
自惜芳心猶在詎應殘  
碧君試看深秋色不學青楓更  
落丹濯濯芳時枉自矜枝頭錯  
許露珠凝綠陰別去留難任  
黃葉飄來掃不勝新曲更翻成  
苦調舊遊重過等寒水天涯一  
望同岑寂未必豪華在五陵  
名擅章臺第一家  
必將憔悴送年華  
客銷已失如眉葉才盡難迴  
雪花纔見高樓堪繫馬  
俄同寒樹與樓鴉  
枯只是尋常事忽漫逢時莫自  
夸何處相逢最有情  
平康曲轉大堤橫  
迴昨不忍枝頭  
雲攜手真愁樹底行  
近淚幾絲渾欲斷  
牽情千縷苦相縈  
目經委謝無窮  
憶應悔風花忒煞輕  
寶馬香車滿路塵  
相看能得幾時新  
飄將障地皆成土  
悲自傷心敢怨人  
綠謝枉遮千里目  
青歸難借一絲春  
滿條隨分黃泥岸  
蓋把繁華問水濱  
不和悲歌也自傷  
秋來天地慘茫茫  
愁生衰艸斜陽外  
怨結歌臺舞榭傍  
歲歲暖風吹到  
冷枝枝綠葉變成黃  
而今始信桓司馬  
嘗墮金城淚兩行

澱水移家

移家東郭十年前東郭移家又十年  
盡割烟蘿還地主  
駢雞犬下江船

生非弱艸何須土行若高雲不繫天已斷因緣去來想乎奈那得受人憐

贈張慎伯居士

梅竹蕭蕭舊隱居却依雙樹結精廬方酬南岳高僧偈未答東山太傅書  
賓館有田多種秫柴門臨水不爲漁春風日日閒花落三徑無人自掃除

武林移家

不緣長被愧長貧因歎無方可卜隣吳市隱時非漢世越山歸日似秦人  
一身負俗終爲累數載移家亦厭頻猶喜扁舟來去便柴門還欲傍江濱

有感

極目浮雲與逝波百年哀樂盡經過交疎紙上寒暄少各在人間毀譽多  
衰髯晚秋臨白艸歸心長路阻黃河目知身隱誠難事因笑符狂作楚歌

冬夜懷歸

寒風颯颯夜蒼蒼臘月江城臥雪霜祇爲食魚常作客偶因聞雁又沾裳  
青山夢裏行難到白髮愁中鍊更長不見北堂萱艸色憂心那得斲相忘

春日途中口號

行役日復日奈何岐路長春泥滑馬足芳艸斷人腸日落野烟合花開村

店香吳姬似相識招客酒壚傍

楊柳歌送唐仲秩

江南二月時楊柳綠華滋高臺不知敬臺邊千萬樹繁堤夾岸相映新搖曳朱門翳美人翠樓綠絲爭媚日黃鸝樹樹學啼春啼春不住高下飛金梭亂擲流黃機又如織女機初斷千絲萬絲分歷亂旋作東郊一片陰雨中淺淺烟中深迤邐青鞵台步吟縹緲縹緲帶結同心青鞵步障大道傍同心縷帶春風香佳人玉簫青樓遠公子金羈白日長旗亭百座空中曉嫩葉柔枝亘繚繞碧玉蛾眉怎關妍小蠻腰肢徒裊裊君不見楚王宮裏花盈盈千客萬態學未成春心不死怨猶在只今盡逐東風生灞陵橋章臺路異代風流那得顧章臺舊日花如雪灞陵古來多送別眼前景物不得將何以贈君天一方好向枝頭惜春色莫待傷心秋艸黃

程布衣可中

可中字仲權休寧人家貧爲童子師從人借古書篝燈夜讀遂博洽能爲詩文初入汪司馬白榆社繼與梅季豹何無咎潘景升同盟於長安短小堅悍裹糧襜褕被徧游南北名山水遇貴人多假寒不爲下狹斜飲博留連



匠月人不知其所之入蜀遊吳將卜築雨花臺下未果而卒仲權嘗語余  
李本寧以詩文雄伯人莫敢置一辭余得其贈詩直規之曰公才不遜古  
人亦落弁州大雨窠曰耶本寧拱手歎服以此知其真長者也本寧作仲  
權傳亦云蓋仲權之持論若此以其詩絮之無咎景升亦季孟之間耳

除夕短歌

蟄月全晦歲華暮原燒偷肯春微露突冷連朝待東新林空半夜抖殘絮  
年年遁除貧泥人今歲頗得貧中趣小庵信信吹欲暗操券都來徵通負  
閉門龜縮堅不出証言白石庵中去東隣貰酒喜盈器西家乞米剛半釜  
地爐滑油四壁紅絕勝龍涎照銀炬統袴膏粱生無分執轡未可吾奚慕  
寒我亦非智術疎自是君家合貧富且呼焚魚煖濁酒一勸一杯自寬論  
妻妾牛衣坐兩頭兩兒膝畔差韶悟得歲有慶失歲罰椒花欲頌粗能句  
踰艾明朝老禿翁視此足駭平生過玉梅寒香撲鼻來大杯停手已無數

通州雜詩

泔泔山雨暗漠漠海雲長價賤魚蝦市田荒雁鴛塘  
風嘶素髮篝火炙匡牀傳說佳公子無由過齊梁

銅井道中

去馬秋能健，歸懷困暫通。水沈江畫壁，霜淨雁書空。瓦甃占村古，苗禽得歲豐。依稀誰成旅，宿簞火護飛蟲。

旌德道中

底用嗟勞役，空山行自幽。曉雲梳樹出，清溜築沙流。稅畢收糞市，場喧過麥秋。騷傳東海信，政恐有征求。

同穉孝鼎卿詠津鼓隄陽字

戍鼓何蕭索，關閨水一方。停桹留墮月，流響激繁霜。鄉夢秋難穩，津樓夜正央。三過遺語失，悲壯憶漁陽。

詠沙岸限沙字

遶窗不自得，隨意坐高沙。痕蝕漁梁淺，莎連鳥跡斜。善崩防岸柳，餘潤長汀花。最喜行粘屐，沿流到酒家。

宿雄縣與善微觀察話舊

風急平林日，卻徂乍鶴哀。柝散城烏壁，燈爆盡宵初。半鄰杵無聲，月自孤。事往拊心懷，感遇憂來顧。影歎頭顱三年漢，上幹今日不謂仍陪楚大夫。

過白溝河感懷

白溝河水逝東奔，燕馬南來河水渾。  
原艸百年殷戰血，陰風半夜闕遊魂。  
明堂又喜朝元后，率土空教哭聖孫。  
回首漫憐方正學，茫茫青史不堪論。

介休道中

征旅聊因當勝遊，寒饑那復數中州。  
雪融隙地培桑棗，日出通衢噓馬牛。  
望望綿山侵面出，時時汾水避人流。  
太行春色苞河外，猶自嚴寒滿敝裘。

春興

紛紛羅綺競容芳，明月誰家閨闥靜。  
幽禽仍自語爭寒，金雁不成行。  
故人易見傾田實，走友何由覓范張。  
惆悵長安看花處，綠繩無計繫春陽。

上谷秋日雜書四首

列壁風鳴漢幟搖，居庸天迥鎖雲標。  
雨餘新爽澄金氣，夜半殘河插斗杓。  
嘉饌土人烹碩鼠，薄寒胡帽製豐貂。  
妖姬不解愁砧杵，馬上琵琶手自調。  
南山街道足砧砧，井邑蕭疎樹影遶。  
橋斷渾河爭倚石，地留故苑失飛花。  
高排虎落凌雲險，強挽烏號却月斜。  
誰謂從軍無苦樂，翻令征士不思家。  
烟火依稀漸近郭，雞鳴驛路入平蕪。  
輓飛百道微軍鎮，市榷千緡弄賢胡。

天壽蟠龍山競拱，桑乾飲馬水堪枯。秋來節鉞提封內，除却椎牛一事無。  
關頭明月古今情，樹引涼飈夜有聲。土木未忘巡正統，封疆無復問開平。  
霜迎狼薊秋臨祭，風偃龍祠歲守盟。此日廟謨爭盡一，空談莫遣謨書生。

問訊虞二僧孺山居

侵湖何限竹魚莊，棘箐叢幽逕轉藏。泉韻隔花鳴罅石，竹光分雨到空牀。  
逸民消得稱虞仲，難弟勞教譽季方。幾欲過從慚法供，湘蓴采采不盈筐。

贈茂伯王孫

雲孫幾葉憶高皇，社土千秋表舊疆。周禮未應俱在魯，漢臣今已半遊梁。  
花垂右掖春常滿，客散西園夜未央。八斗向來求自試，書成字字挾風霜。

贈丘魯生

旅食無端笑滯淫，隣居猶自費招尋。風流南郡談經帳，羞澁長門賣賦金。  
送盡花神春未艾，檢殘藥裹病偏侵。空江日暮靈妃曲，久向天涯負賞音。

同謝少連伯仁姪步出鳳山門尋故宋宣址

醉憑斜日頰蒼茫，拄杖明霞水一方。道側斷碑埋屐屐，艸中殘瓦臥鴛鴦。  
烟銷林影窺宮藥，江落潮痕上女牆。遺恨彈丸江左地，岳王墳樹弔秋霜。

除夕太原府四首

雁門南渡路千盤殘曆猶從馬上看醉抱白頭燈影下錦箏揚殺不成驪  
逆旅相留慰苦辛蕭蕭同侶二三人蓬中誰譜梅花引已送江南十日春  
檀槽鐵撥素絲絃此技都誇三晉專耳只今貪小令金元遺調漸無傳  
城闕春潛雪盡融誰家花勝出王宮更寒緩下歲華鎖元旦催傳進樂工

冒秀才愈昌

愈昌字伯慶如皋人爲學宮弟子有時名負氣伉直爲怨家所中浪跡避  
地徧遊吳楚間作詩敏捷千言不舛矯尾厲角舌辯如懸河所至士大夫  
皆畏而禮之伯慶遊王元美吳明卿之門二公憐其才每爲白其冤狀而  
伯慶稱詩奉二公爲祖徧迄不少變萬曆末年拜舉七子者曰衆伯慶恪  
守師說抗詞枝柱憤楚人之訾訾至欲以身死之此可以一笑也

聽南嶽六空上人彈琴

我聞唐時禪師宋義海上載琴心應有待關士于今豈後身朱絃一曲鼓  
青春春空雲漠漠春思空寥廓于水見瀟湘于山見衡嶽彈爲山水音彷彿  
佛聞仙樂仙樂冷冷行樹中慧鳥流音和晚風虛言世上知音少君自心

如半死桐

夜抵范丈人庄

誰道生還亦偶然，鄉心不禁涕雙懸。  
路從燕市三十里，人似蘇卿十九年。  
月黑楓林疎出火，霜消茅屋晚炊烟。  
預愁身賤虛勞問，形影相將轉自憐。  
得林茂之書并詩

不謂三年別能來，一紙書開緘如見。  
汝讀罷轉愁予，淮水月常在秋風柳。  
易疎更憐詩句好，吟望意何如？

賦得鷺峰寺前殘柳禽吳非熊林茂之留別之作

執手城隅對黯然，西風殘柳鷺峰前。  
曾籠紅版橋頭月，尚帶清溪渡口烟。  
望去藏烏非往日，愁來繫馬復何年。  
因君欲折難爲折，忍和新詩向別筵。  
錢山人希言

希言字簡栖，余之從高祖叔父也。少遇家難，辟地之吳門，博覽好學，刻意爲聲詩。王百穀見其詩，曰：『後來第一流也。』力爲延譽，遂有聲諸公間。薄遊浙東，荆南豫章，屠長卿、湯若士諸公皆稱之。自以爲秦川貴公子，不屑持行卷飾竿牘，追風望塵，僕僕于貴人之門，而又不能無所干謁，稍不當意。

矢口嫚罵其或形之畢牘多所詆譏人爭苦而避之以是游道益困卒以窮死予爲買地并先世數極葬之于易目山所著書曰松樞十九山才情爛熳近時羣布罕見其比又徵古今劒事撰劒筭通記本朝遼事始末作遼志據採詳博參帙甚富蓋棺之後其書未削稿者盈箱溢帙今皆散佚不存矣惜哉梁溪鄒彥吉序其集曰予初與簡栖交見其舌本木強好抵掌人事殊不了了與人荒荒忽忽人近彼遠人遠彼近都無況味酒不二三輒醉其爲酒也不必鶯花風月細舞清歌因謂名下士多不克副及讀其所著書而與之交土木其身而龍虎其文慙轉爲惠無味轉爲有味自百穀云亡雅道淪喪簡栖以一布衣居詞壇忌之者終不勝好之者之口良有以也彥吉與人斤斤少可獨傾倒于簡栖描寫頗得其實余故詳著之

晚發向金陵留別所知

旅遊裝太薄一水問秦淮月作投人璧花爲贈妓釵酒痕昏客袂燈火亂春街短簿祠前樹含烟一半靈

客思

一夕西風客思驚  
雨聲颯颯和江聲  
酒因病減愁偏重  
永爲寒添索漸輕  
漁火夜腥雲夢澤  
瘴烟秋鎖岳陽城  
無端又被還家夢  
楚水依然遠去程  
郢上將歸留別沈伯合水部

把袂相看別恨長  
片帆明發挂微霜  
烏頭也向愁中白  
馬色都教病裏黃  
峽暗楚雲難入夢  
江連巴字易迴腸  
故人獨有嚴公在  
重與挑燈話異鄉  
揚州懷舊

三度維揚十八年  
舊遊零落不如前  
車傍擲果人何在  
橋上吹簫事莫傳  
潮落遠江瓜步雨  
烏啼荒壘竹西烟  
風流杜牧元多感  
到日登臨一惘然  
帆影

岸曲沙迴着處侵  
半江落日半江陰  
悠悠亂逐春潮上  
漠漠還隨暮雨沉  
曾帶斷猿啼遠岫  
又移殘月出疎林  
誰憐獨倚危樓遍  
目極天涯思不禁  
武昌柳二首

漢陽城對古西門  
官柳青青幾樹存  
舊時市樓迷楚望  
花飛江浦斷湘魂  
因風暫逐金羈影  
和雨先沾翠袖痕  
有舊傷情不定啼  
將客夢到知聞  
客顏消息轉悠悠  
暗憶飛綿上翠樓  
謝氏女郎空有賦  
盧家少婦不知愁



陰疑灞水橋邊合  
絲學靈和殿裏柔  
若向吳昌折春色  
綠條留取繫歸舟

四明寄百穀先生茗上

秋盡江千雁影低  
懷人只隔亂峰西  
生憎流水爲衣帶  
却笑浮雲學馬蹄  
霜下曉楓紅歷歷  
烟中寒柳碧淒淒  
相期不共錢塘月  
空負扁舟下雪溪  
夜渡若耶溪

橫風舟上鼓頻櫓  
十幅輕帆渡若耶  
照破離愁惟夜月  
啼殘歸夢是寒鴉  
霧蒸東塢山城暗  
烟鎖西陵驛樹斜  
只隔錢塘衣帶水  
依然旅食傍天涯  
西陵

指點山波問宋朝  
荒雲漠漠交蕭蕭  
行人但說錢王事  
強弩三千射海潮  
贈翁鄞縣

四明二百八峯盤  
霧閣雲窗綠玉寒  
不信謝郎爲縣令  
三年驕馬未曾看  
關峯普濟寺

關公山繞關公湖  
捨宅年猶記赤烏  
寂寂寺門霜葉裏  
水禽飛上石浮屠  
鄞江舟中有感

年來整鼓海雲東  
我欲移家住剡中  
手種青槐三百樹  
出門師事白猿公

荆門野望

滔滔江漢引微茫，川路西來蜀道長。  
象齒舊通周貢賦，鸞雛新叛漢衣裳。  
雨消青嶂湖頭瘴，葉落黃陵廟裏霜。  
十二碧峰青不見，空令神女怨高唐。  
簡沈從先

雨過秋山翠滿城，思君江館入瑤聲。  
夜涼獨坐銀河下，吟到酒醒溪月明。

徐舉人燭 布衣燭

燭字惟和，燭字惟起，又字興公，臨縣人。永寧令棉之子也。兄弟皆擅才名。  
惟和舉萬曆戊子鄉薦，十餘年不第。風流吐納，居然名士。其詩爲張幼子  
王百穀所推許。有幔亭集。屠長卿序之。興公博學工文，善艸隸書。萬曆間  
與曹能始、狎王閏中詞盟。後進皆稱興公。詩派嗜古，學家多藏書者，筆精  
格陰新，論等書以博洽稱。於時崇禎己卯，偕其子訪余山中，約以暇日互  
搜所藏書，討求放失，復元遂初集與中兩家書目之舊。能始聞之欣然，願  
與同事。遭時喪亂，興公能始俱謝世。而余頽然一老，無志於斯文矣。興公  
之子延壽，能讀父書，林茂之云：刳灰之後，興公替墨藏書尚無恙也。

徐燭

春夜同錢叔達陳惟憲齋中雨坐

高齋開亂竹孤燭坐潺湲世味隨年減浮生到夜閒交應同白水語不離  
青山坐惜連床雨相看似夢閒

春日雨中喜惟憲至

齋居耽閒寂猶厭鹿麕羣茶汲松泉煮香收桂屑焚避人宜盡雨來客損  
春雲更喜連休夜蕭蕭獨並君

秋后偶成

山翠夕陽天幽居息衆緣倦啼將暮鳥哀咽過秋蟬榻靜喧松雨窗疎納  
竹烟微冷多信步行過想花邊

怨詞

一從閑深宮不復徵歌舞房中今夜聲是妾當年譜

宮詞

長信宮中玉漏微綠楊枝上乳鶯飛忽聽銀鑰開金鎖殘月樓頭照舞衣  
宮中無復望車塵已分阿房新此身縱使君王得相見也應不愛白頭人  
深宮長日閉蒼苔思寵于今念已灰莫望他生更相見君王行滿不輪迴

閩王墓

閩王審知墓在蓮花峯下宣德四年盜發獲金珠無數有司仍復修治

玉輦何年去不回  
霸圖千古總成灰  
秋深虎穴依寒隴  
歲久魚燈暗夜臺  
故國關河旣越在  
遺民蘋藻鼎湖哀  
蓮花峰下黃昏月  
猶見三郎白馬來

徐 燊

投宿山家

清流抱孤村  
秋意澹林木  
水急衝板橋  
山空響飛瀑  
殘葉水邊黃  
危峯天際矗  
日暮何處歸  
人烟在修竹

栖雲寺

出自東郊門  
蘿逕轉幽邃  
刹影入層雲  
雞聲落空翠  
鍾響各松濤  
鐘烟和花氣  
斜日下遙岑  
殘僧獨歸寺

築城怨

築城何太苦  
百萬征夫淚  
如雨年年勞  
役勛力盡含  
涕猶添城上  
土家家戍婦  
望夫還不知  
已死長城間  
長城一望白  
于雪由來半  
是征夫骨

送劉季德歸南海

相逢苦不早  
相送復沾衣  
愁見孤帆影  
遙于五嶺歸  
青看海氣近  
白望瘴

烟微家在羅浮下秋風獨掩扉

送林叔度之甬東

春深柳可攀送客出鄉關不灑故人淚恐傷遊子顏潮聲兩浙水雲影四明山莫謂風塵隔相思魂夢閒

送僧歸日本

故國滄溟遠鄉心島嶼孤緇衣曬若木白足踏寒蘆海嶽噓香火驪龍覓念珠朝朝持誦處初日照跏趺

送人戍邊

天涯秋氣深行子別家林客淚月中笛邊愁馬上碁風沙連朔漠鞞鼓散窮陰後夜相思處空聞胡雁音

送人之燕

燕國八千里送君離恨增短衣粘雪片孤棹觸冰稜夜鎖沙河柵寒光土屋燈故園稀釣侶秋浦掛魚罾

賦得深閨秋織

深閨秋色早中婦倚流黃寒杵傳聲切殘絲結縷長壁閒聞候織錦上見

鴛鴦斷綆金刀疾拋梭玉釧忙芙蓉叢出采蓮子簇依房緯密經雙引文  
迴字幾行捲繡纏別緒移軸轉離腸窗外易啼夜簾前雁帶霜愁魂縈綺  
縠清淚滴縹緗星斗斜將盡支機動未央張弮乘月影完匹續燈光寶女  
思千里天仙妬七襄莫辭閨力苦邊塞待衣裳

宿幼孺招隱樓

林壑鬱重重危闌俯萬松亂花穿暗水疎竹漏晴峯遠火綠溪棹斜陽過  
嶺鐘招攜出羅徑踏破白雲蹤

寓建陽福山寺

磴路層層入招提夾兩山栢侵陰殿綠苔繡古牆斑細雨蟲聲碎微風蝶  
影閒五更鐘韻寄鄉夢屢催還

喜能始到家

廷尉官曹冷三年寄秣陵過家纔問寢開社急邀朋巷選窮中住山尋僻  
處登維桑壇玷在雅道賴君興

雙峰驛

暮色滿汀洲鳴蟬樹樹秋柝聲聞雉堞燈影辨漁舟千澗通橋路雙峰夾

驛樓流波與客意日夜兩悠悠

宿鄧汝高竹林山庄

精廬遙結翠微間借得雲窗一夕閒  
流水斷橋通古路斜陽殘磬下空山  
大聲似豹聞茅舍螢火隨人入竹關  
桑柘滿村堪寄隱與君吟臥却忘還

旅次石頭岸

縹緲孤城見石頭長淮雲水自悠悠  
孤村柳色連荒驛兩岸蘆花隱釣舟  
殘月微鐘京口夜澹烟疎雨秣陵秋  
客中不盡懷鄉感南雁一聲雙淚流

再送伯孺

千里西吳一騎輕君行應是我歸程  
孤身漂泊辭知己八口饑寒仗友生  
繞澗松篁天竺路滿湖菱芡下瓠城  
旅遊到處羞貧賤好向人前諱姓名

道場山拜孫太初墓

三尺孤墳土欲傾却因辭賦拜先生  
白楊夜雨墓門冷青艸茸雲山路平  
半碣舊曾題歲月一杯誰復奠清明  
隔隣石馬嘶風立來往何人識姓名

過林逸人故居

魂墜窮泉乍白頭方山寒雨杜鵑愁  
花飛古路松枝老葉滿閒庭荔子秋

鶴夢不歸江上榻蟲絲空網月邊樓哭君剩有千行淚瀨水無情日夜流  
過荆嶼訪族兄文統逸人隱居

蹤跡經年懶入城滿村麻苧綠陰晴蝶尋野菜飛無力蠶飽柔桑嚙有聲  
半榻暮雲推枕臥一犁春雨挾書耕清高學得南州隱不忝吾宗孺子名  
越城看雪

六出飄來萬戶粘越王臺上舞纖纖粉痕冷浸鴛鴦瓦玉屑晴穿翡翠簾  
到處樓臺堆白壁幾時村店辨青帘山陰滿路春明柳無數飛花一夕添  
會稽懷古

獨上高城問廢興萬家鱗次暮烟凝斷碑碧蘚曹娥廟古木蒼山夏禹陵  
刻雪霏微迴客棹樵風來往送漁燈越王霸業長消歇極目荒臺感慨增  
送林吾宗之金陵

青絲遊騎踏春蕪二月王孫入舊都柳色東風村店路杏花微雨酒家壚  
斷橋野艸尋朱雀古碣荒苔辨赤烏挾得紅粧歌子夜寒潮雙槳莫愁湖  
巢雲院

石勢參差若累成夕陽斜照海波平苔封古路花深合樹隱懸崖葉倒生



入院亂穿雲影去上山遙逐澗聲行巢居隱士知何代千古無人記姓名  
溪南訪鄭翰卿話舊

尋君迢遞歎羸驂小閣弘開對夕嵐寄寓俗塵甘廡下卜居名勝愛溪南  
廿年舊事秋風淚一片新愁夜雨談相顧頭顱俱漸老燈前悲喜總難堪  
送康季鷹之秣陵兼寄諸舊遊

金陵京闕帝王州走馬憐君是勝遊花底簫聲歌妓舫柳邊旗影酒家樓  
黃龍細辨前朝碣白鷺遙尋隔水洲舊事關情渾似夢西風殘月石城秋  
蘆花

江畔洲前白渺茫蕭蕭撼撼關秋光輕風亂拂漫天雪斜月微添隔岸霜  
半夜雁羣清避影數聲漁笛澹吹香瓊枝玉樹分明見愁絕懷人水一方  
徐珍伯招遊惠州西湖得西字

十里湖山碧樹齊遙聞鐘磬出招提萬家算靄鵝城北一抹殘陽鷺嶺西  
驚濤颭風浮澄水蓼花吹浪過長堤蘇公此地曾遊咏自愧詩成不敢題  
別在杭次韻

頻年作客若爲情兩度題詩送我行暮雨魂消江雁影西風腸斷峽猿聲

窮秋野柝雲邊驛午夜清砧水畔城從此相過踪跡少積芳亭上月空明

曉渡彭蠡

彭蠡秋高水接天征帆一片去茫然蘆花飛盡岸千重雪樹擁康山幾點烟  
報曙野雞殘月後失羣寒雁曉霜前客行不耐風波惡魂斷漁歌到枕邊

閒居

竹滿簷楹州滿除青山應屬野人居未春預借看花騎欲雨先徵種樹書  
石鼎香酣吟懶後瓦鐺茶熟夢迴初半生消受清閒福一任人嗔禮法疎

圖南王孫移家西山賦贈

從來生長在朱門今日移家入遠村晴放好山當屋角暗通流水過籬根  
應門但委栖松鶴摘果頻勞掛樹猿只爲欲成鴻寶訣故尋幽僻避塵喧

送商孟和應試留都

新柳如絲拂地齊送君遙向石城西春明艸色迷牛首秋老槐花上馬蹄  
二水烟波移舴艋六朝鐘磬認招提讀書借得憑虛閣古堞霜寒聽曉雞  
二月晦日同喻叔真張紹和郭汝承集商孟和玄曠山房分得巖

字

春艸芊芊綠未芟別開芳墅隔塵凡小樓斜倚將枯樹絕磴傍通欽斷巖  
寒信催花三月近夕陽流影半峰銜攜來茗碗堪供客新啟旗槍白絹緘  
送康元龍之靈武二首

賀蘭山下戰塵收君去征途正值秋落日故關秦上郡斷烟殘壘漢靈州  
胡兒射獵經河北壯士吹笳怨隴頭城窟莫教頻飲馬水聲鳴咽動鄉愁  
黃河官路黑山程羌笛橫吹漢月明漠北烽烟三里塞隴西鼙鼓十年兵  
燕鴻度塞寒無影胡馬行沙暗有聲後夜思君勞遠夢朔風吹過白登城

過閩王審知墓

八郡封疆一望遙秋山松栢冷蕭蕭宮車去國成千古劒壘傳家歷五朝  
石馬嘶風金甌出野狐穿塚寶衣銷斷碑猶識唐年月春雨苔花字半凋  
送俞本之遊楚

寒臯木落水連天雲際孤城望漢川隔岸數聲湘水瑟中流千里鄂君船  
鷓鴣夜叫黃陵月猿狖秋啼赤壁烟挾得離騷經一卷行吟長對楚江邊  
過弋陽

頗憶文房舊日題餘千水落弋陽溪平沙渺渺孤城在朝暮猶聞山鳥啼

三月晦日送友人之安南

落花飛絮委東流春去行人不可留却恨春風已掃去豈能吹夢到交州

古戰場

衰艸殘雲古戰場腥風吹血濺衣裳塵沙一望三千里惟見馬頭斜日黃

寄王百穀

吳門別後渺天涯千里傳書客路賒何日庵前談半偈一瓶秋水玉蓮花

寄余明府

謝却雙鳬友鹿麋形容如鶴鬢如絲春風不臥休官舍吹綠門前五柳枝

寒食

山中禁火逢今日生計蕭條只此身一百六朝空過却半愁風雨半愁貧

寄沈從先

我在閩南君在吳尺書三載寄君無愁來但灑相思淚一夜風吹到五湖

夜雨寄北

妾在深閨君別離淚痕如雨雨如絲枕前紅淚窗前雨暮暮朝朝無盡時

宮詞二首

春明乘曉試新粧玉輦金輿出建章三十六宮都望幸車聲先已向昭陽  
舞袖翩翩別樣裁十年篋裡不曾開可憐自閉長門後未對春風舞一迴

陳秀才价夫 舉人薦夫

价夫字伯孺薦夫字幼孺閩縣人伯孺少爲諸生踏省門不見收遂隱居  
賦詩以自娛其爲人長者鄉里婦孺皆知其名幼孺中萬曆庚子鄉榜三  
上春官不第病目雙瞽兄弟自相倡酬各有集行世桐城阮自華贈伯孺  
詩云伯孺佳公子簞瓢居陋巷短衣纔及胛吾視天夢夢贈幼孺詩云孝  
廉宿憤世遁景棲深宮親朋希得見杯酒將誰同

陳价夫

秋夜詞

殘燈隱壁秋魂苦榕葉翻風桂花雨誰遣衰蛩上井欄陳根一一悲相語  
崩雲漏雨宵中白皺縠窗烟鎖寒碧銅龍咽盡東方高浮塵穰穰城西陌

鏡聽詞

憶昔與君生別離鏡似樂昌初破時自墜桂魄幾圓缺遠人尙自慙還却  
輾轘無繩瓶墜井青燈熒熒照孤影含愁抱鏡入中厨呢呢低聲自陳請

漏短不知夜幾更四隣已靜無人聲  
憂疑未決心轉苦起步明月沿階行  
倚欄脉脉望河漢鸚鵡籠中巧相喚  
忽言半月在迴廊始上郎回在月半  
深深再拜喜不眠舉頭看月尚未圓  
回身再問匣中鏡知汝何時飛上天  
宿海邊小店

舟舍依荒驛孤村背夕陽海雲秋漠漠  
山靄夜蒼蒼木客歌舍月鰲人泣  
岸霜誰能當此地高枕不思鄉

將至珠堂過迴風嶺卽事

瓊南漠漠海雲西瘴嶺秋風客路迷  
澗水松蘿猿共飲夕陽烟樹鳥空啼  
黎人射鹿蹄深洞越女乘牛度晚溪  
更欲摩崖書別恨古苔封盡不堪題  
送人之長沙

片帆西掛岳江湄三月楊花怨子規  
君到賈生遷謫處斷腸應在過湘時  
燕

暫逐東風別海涯去年營壘是誰家  
春光浪信江南好到得江南又落花  
陳薦夫

浣衣曲

幽荷冉冉新篁密。皺縠含風波浸日。靚粧融冶粉紅香。淺碧銀塘映花立。  
雙雙玉腕漾清漪。霧縠搖波光陸離。不因驚起鴛鴦伴。花外玉郎那得知。

海口城晚望

蒹葭藹藹樹蒼蒼。平楚閒看蓋渺茫。驛路遶山多落木。孤城臨水易斜陽。  
潮迴近浦寒生雨。雁度遙天夜帶霜。暫息征鞍瀛海上。烟波千里斷人腸。

立春日感懷

征袍翩翩淚痕別。離無計但銷魂。應嗟不及墻東柳。歲歲春風在故園。

臨別再呈伯孺兄

臨別無言但損神。孤身遊子白頭親。鄉書到處封題便。馬上相逢好寄人。

竹枝詞

荷葉田田柳葉垂。千船萬船多女兒。與郎暗約花間去。不唱竹枝知是誰。

古意

黃鸝種作離園繞。合歡樹不見合歡時。但見生離苦。

子夜歌

不見金鈿蟬火盛。柄自蕤蕤衣持寄。郎郎溫儂亦熱。

寄懷王震甫客蜀

邛邛東望艸離離峽口春歸未有期懷古思鄉兩行淚豈堪同在聽猿時

塞下曲

塞艸黃雲萬里哀胡天漠漠鳥飛迴漢家幾見封侯印曾繫沙場白骨來

宮詞三首

千樹垂楊萬樹梅朝曦初上露初開滿身雨露非承寵只合宜春闕艸來  
花壓雕闌樹色蒼牛開魚鑰侍焚香  
態弱君恩重強起還憑白玉牀  
雖言逐隊向長門十載何曾識至尊命薄不教人見妬始知無寵是君恩

陳布衣鴻

鴻字叔度一字軒伯侯官人起于寒微自幼能詩無有物色之者曹能始  
招入社集聽泉閣有一山在水次終日有泉聲之句大加歎賞由是名大  
著各其詩曰秋室篇取李長吉詩秋室之中無俗聲也卒年七十三貧不  
能葬同社釀金與莆田布衣趙十五合葬于福郡小西湖之側

三月晦日集交蔭軒送春

西飛恨殺羲輪疾九十東風將盡日門前芳艸青已殘地上落花紅更密



欲問誰家賣酒旗，相留頃刻春歸遲。五更風雨倍惆悵，啼鳥無情猶不知。

新秋

蟬聲昨日催秋至，漸覺單衣捲涼吹。閒吟最愛夕陽天，水轉澄鮮山轉媚。  
幾處桐陰清露垂，蕭然物候翻相宜。不知宋玉何爲者，畏見西風搖落時。  
買西園菊至，招同社徐興公、商孟和諸人花下小酌，因和短歌。  
幾處菊花殘，西園餘數畝。買來竹窗下，折簡會賓友。把酒坐花旁，一齊衫袖香。  
春天百卉媚，不及此幽芳。堦下涼風薄，暮起枝枝低。拂深杯裏願，君盡醉宿我家。明日更買西園花。

贈南山隣友

却喜爲隣好，君在西我住。東夜泉皆屋後曉，塔共窗中竹色籬。交綠燈花壁，送紅時時過王翰花底一尊同。

次竹嶺

長途不可涉，況歷萬峯巔。倦鳥已投樹，行人猶在烟。夕陽沉嶺路，寒澗落山田。縱少離家恨，憑高自愴然。

聽泉閣

風露臨虛閣應涵秋氣清一山在水次終日有泉聲響迸僧鐘落寒兼客  
枕生中宵滿欄月都作玉琴鳴

東湖曉發

曲曲東湖水何能計里長沙明濺淡月船重積嚴霜旦曉人傭起衝寒雁  
欲翔梅花飛盡日猶不到家鄉

十月晦日過興公齋頭夜談

一陽明日近十月此宵殘雨意事梅信風聲憂竹竿坐長燈墜焰吟苦硯  
生寒祇恐窮年迫憂心集百端

別別敬師

浪遊行索倍蕭然但有山僧送上船月白不堪連社別日高難戀竹房眠  
曉糧載少癯同鶴秋思悲多亂似蟬後夜憶師空夢寐淮城東畔寺門前  
過曹能始石倉園

徑遶寒流轉鬱紆夾堤山色望中殊艸堂似卜東西讓畫舫如過裏外湖  
鶯喚曲欄春臥穩鶴窺深戶夜吟孤問奇日戴花間酒莫謂投閒一事無  
詠紅白桃花

雙艷如從露井看，  
粉分濃淡映雕欄。  
玉膚中酒水精薄，  
粉面窺人錦障寒。  
杏雨並隨窗外度，  
梨雲同入帳中殘。  
膽瓶不是餘香在，  
定訝珊瑚間木難。

桑乾道中

征程十里見桑乾，  
二月誰憐尚苦寒。  
沃野北來邊地近，  
流澌東下早春殘。  
風疑竹箭穿貂帽，  
雪作楊花點馬鞍。  
旅況爐頭消不盡，  
琵琶纖指莫教彈。

詠雪梅花

盈盈初發幾枝寒，  
映戶流蘇百結團。  
正恐東風先賜盡，  
不愁遲日易消殘。  
淡姿向曉迷蝴蝶，  
艷色爭春笑牡丹。  
惟有<sub>三</sub>郎兒戲甚，  
還疑踟躕繞叢看。

寒食客中感作

作客近清明，  
一杯誰省墓何如。  
春艸生得上墳前路。

秋夜曲

悔却與歡期，  
空房香燼時。  
那能如寶鴨，  
冷暖腹中知。

典衣曲

典盡衣難贖，  
隣家夜搗砧。  
那堪風露冷，  
兒女說秋深。

鬱林道中

茫茫新水拍沙堤四月應無杜宇啼記得驛程來日路五千餘里鬱林西

陳秀才衍

衍字磐生閩人自其父以上五世皆有集傳閩中磐生篤學好古少受學於童應舉長與徐璉徐勃相切磨爲詩文志於場屋好談邊事利害及將相大略窮老盡氣不少衰止嘗自撰墓誌銘曰生骯髒負俗粗讀書略知文字著詩賦碑傳雜文四十餘卷稍行於世子游字開仲亦有才名

張德充別予之青州時贈

馬首分殘雨青齊古道迂相逢何慷慨言別亦須臾胸後雙龍躍懷中一刻孤九迴山上望爲我陶腸無

題邵大行薰亭

一片蒼山落案前亭亭孤塔影嬋娟林花乍落猶含露池水新生卽有烟蝶趁侍兒登佛閣鶴隨門客上漁船清光盡貯軒庭內獨榻拋書抱石眠

上報國寺毘盧閣

十丈青蓮朵朵開毘盧高閣獨崔嵬欲看山勢連天逮已見河流帶雨來宮樹陰濃秋未落寒鴻聲斷晚尤哀烽烟直北何時息庭殿關門鼓角催

送李芳生還白下

蝴蝶古洞傳名豈但詩文獨主盟莫令杜鵬愁邵子姑從蝴蝶夢莊生  
窗寒流水蘆風切門響隣庄竹雪輕若上星臺占列宿何時楚豫落槐槍

茅太學維

維字孝若帝安人父坤字順甫世所稱鹿門先生者也萬曆間茗之稱詩  
者咸慕循晉叔孫綽公晉吳夢陽允兆而孝若與之抗行爲四子不得  
志於科舉以經世自負諸閣上書幾得召見如陳同甫所謂天千使召問  
何處下手者爲鄉人所擠幾陷大僂晚年數過余山中肝衡振腕思得一  
當余和其詩深規切之卒不能改也有上卷堂集數十卷流覽篇帙才識  
斐然以檢括爲難耳嘗以所作雜劇編余序已而語人曰虞山輕我近舍  
湯臨川而逮引關漢卿馬東籬是不欲以我代臨川也其慕元如此

夜坐讀書有感效坡老作短詩寄允兆翁晉季豹三子

石牀橫素書漆燈掛青焰引襪不耐眠危坐意清寔危盆覆殘茗綺石甯  
聞硯索筆賦短章書成自精綯冷月侵疎槐荒山吸荒雁蟲吟豆花中簾  
墜石苔面垂頭何所思闌干忽憑遍一入靜者懷機鋒似張箭恨無三益

友相對發綺辨露濕還松房青林火不見

病裏思聽音樂戲呈諸公

遠籬黃蝶隱秋花病裏閒情遣狹斜伎作東山懷謝傳笛吹古墓憶桓家  
那堪殘曲歌金縷敢向今時圖麗華紅燭最嬌尤髻妓胡牀企脚聽琵琶  
丁酉北還述懷呈社中諸子

長河帆底夕陽渾路入鄉間思苦繁水涸船虛徒滿眼天低禾黍只孤村  
那堪宿雁衝沙噉更指寒鴉背雨屯河朔健兒仍不忘紫韉白馬矚秋原  
春晝戲詠

春晝陰陰度綳窗春愁極口蕩春江不知何處吹花片忽有餘香到佛幢  
紅藥風翻嬌第一紫丁烟濕豔無雙如儂自愛空林綠綉繡苔錢帶露紅  
寄訊李白父徵村二首

聞君老病掩雙扉秋老荒園黃蝶飛手爨青松飯香稻隔溪人語采菱歸  
病忘真是息心方兀坐攢眉木脚牀天末涼風吹老樹看他屋角送斜陽  
答宋季子

秋光晴映薛門開坐客胡牀趣舉杯若問吳儂作底事前溪新夜月明回

書所見

台驪初見黑頭人受策延登聖眷新莫怪三公更年少單于驚起賀賢臣  
吳布衣拭

拭字去塵居新安之上山宗族多官人去塵獨好讀書鼓琴布衣芒鞋寥  
然自異輕財結客好遊名山水從明能始自楚之黔甌勝搜奇歸攜一編  
以誇示里人里人爭目笑之傲易水法製墨遇通人文士倒囊相贈富家  
翁厚價贖之輒大笑曰勿以孔方兄辱吾客卿也坐此蒞大因耳其頭眩  
爲悍婦所逐落魄遊吳門遇亂死虞山舟中毛子晉爲收葬之去塵有不  
寐詩云莫怪故人消息斷誰教金盡見床頭視張謂黃金不多之句尤爲  
澹切也

清遠峽

雨過山氣清兩馬望相峙樹裏出鐘聲柳澄滿江水烟烟林光中露重滴  
松子

涓陽峽

清晨醉別曲江守直下涓陽望峽口須臾舟子亦勅客兩岸高插數百峯

日氣存映吐不得蒼嵐紫靄霏濛濛下視潭影無天色但見石樹沒深黑  
十丈巖頭蠟乳開百尋壁上暮鐘回餘峯一一斷續翁葱各欲出風雷  
舟中野客苦殘病決臂支頤攬奇勝不堪夕色下遙陰翠微枕上樂相競



列朝詩集十五

美

列朝詩集

丁集第十五終